

Маттанен берильген Инджиль

Инджиль Китабының биринджи къысмының муэллифи Матта Рим империясының акимиети ичон салым топлай ёди.

Куньлернинь биринде, Матта адетиндже салым топлангъан ерде отургъанда, Исаны коръди. Бу корюшов онынъ омрюни бутюнлей денъиштириди. О вакъыттан башлап, Матта Исаның артындан къалмады. Исанен берабер Фелестин топрагъының бутюн шеэр ве койлерини айланып чыкъты. Матта, Исаның дөгъувындан соң 58-70 сенелерине къадар язылгъан Къуванчлы Хабериндеки бутюн вакъиаларының шааты ёди.

Озъ Китабына Матта Тевраттан алынгъан цитаталарны сый-сый кетире. Чонки анда дюньягъа келеджек Къуртартыджы акъкъында язылгъан ёди. Бунынъен о косытере ки, Иса — эвельден Тевратта веда этильген дюньяның Къуртартыджысы ёди. Алла, Иса Месихни бу дюньягъа барышыкъ Падишалыгъыны къурмакъ ичон ёллады.

Иса Озюонинь акимлигини билип, Алла киби лаф эте ёди, чонки О, Коклердеки Бабадан кельди. Матта Исаның беш буюк ваазыны кетире:

1. Дагъ устюнде айтылгъан вааз (Матта 5-7).
2. Шегиртлерине берильген насиат (Матта 10).
3. Кок Падишалыгъы акъкъында кинаели икялер (Матта 13).
4. Шегиртлерине берильген тевсиeler (Матта 18).
5. Фериселернинь джезагъа укюм этюви ве бу дюньяның келеджеги акъкъында вааз (Матта 23-25).



1

¹Ибраимнинъ ве Давутнынъ союндан олгъан Иса Месих акъкъында риваает.

Мына Онынъ баба-деделери:

²Ибраим Исхакъынъ бабасы эди. Исхакъ – Якъуп-нынъ бабасы. Якъуп – Ехуда ве онынъ агъа-къардашларынынъ бабасы. ³Ехуда ве онынъ апайы Тамардан Парец ве Зерах догъулдылар. Парец – Хецроннынъ бабасы. Хецрон – Рамнынъ бабасы. ⁴Рам – Аммина-давнынъ бабасы. Амминадав – Нахшоннынъ бабасы. Нахшон – Салмоннынъ бабасы. ⁵Салмон ве онынъ апайы Рахавдан Боаз догъулды. Боаз ве онынъ апайы Руттан Овед догъулды. Овед – Йишайнынъ бабасы. ⁶Йишай – Давут падишанынъ бабасы. Давут падиша ве Уриянынъ сабыкъ апайындан Сулейман догъулды. ⁷Сулейман – Реховоамнынъ бабасы. Реховоам – Авиянынъ бабасы. Авия – Асанынъ бабасы. ⁸Аса – Ехошафатнынъ бабасы. Ехошафат – Ёрамнынъ бабасы. Ёрам – Уззиянынъ бабасы. ⁹Уззия – Ётамнынъ бабасы. Ётам – Ахазнынъ бабасы. Ахаз – Хизкиянынъ бабасы. ¹⁰Хизкия – Менашенинъ бабасы. Менашше – Амоннынъ бабасы. Амон – Ёшиянынъ бабасы.

¹¹Исраиллилер Вавилонгъа сюргүн этильгенде, Ёшиядан Екония ве онынъ агъа-къардашлары догъулды.

1.1-17

Лука 3.23-38.

¹² Вавилонгъа сюргүон этильгенден соң Екониядан Шеалтиэль дөгъулды. Шеалтиэльден Зеруббавел дөгъулды. ¹³ Зеруббавелден Авиуд дөгъулды. Авиуддан Эльяким дөгъулды. Эльякимден Азор дөгъулды. ¹⁴ Азордан Цадок дөгъулды. Цадоктан Ахим дөгъулды. Ахимден Элиуд дөгъулды. ¹⁵ Элиуддан Элеазар дөгъулды. Элеазардан Маттан дөгъулды. Маттандан Якъуп дөгъулды.

¹⁶ Якъуптан Мерьемнинъ акъайы Юсуф дөгъулды. Мерьемден исе Иса дөгъулды. О, Месих деп адлангъан эди.

¹⁷ Бойледже, Ибраимден Давуткъа къадар эписи олып он дёрт несиль, Давуттан, Вавилонгъа сюргүон этильмезден эвель — он дёрт несиль, ве Вавилон сюргюниден соң Месих дөгъгъандже — он дёрт несильдир.

¹⁸ Иса Месих бойле дөгъды:

1.18-25

Лука 2.1-7.

Онынъ анасы Мерьем Юсуфкъа нишанлы эди. Амма оларнынъ никъяларындан эвель Мерьемнинъ Мукъаддес Рухтан бала беклегени белли олды.

¹⁹ Онынъ киеви Юсуф инсафлы адам олгъаны себебинден, Мерьемден айырылмакъ ниетине келе, лякин гизли, чонки къадынны масхара әтмеге истемей. ²⁰ Бойле фикирге кельген вакъытта, гедже онынъ тюшюнде Раббиден бир мелек келип:

— Эй, Давутнынъ оғылу Юсуф! Сен Мерьемге эвленимектен асыл къоркъма, чонки онынъ къарнындаки Бала — Мукъаддес Рухтандыр. ²¹ Мерьем оғыул дөгъаджакъ, ве сен Онынъ адыны Иса* къояджакъсынъ, чонки О, Озъ халкъыны гуналардан къуртараджакъ, — деди.

* **1.21 Иса** — айтылувы еудийлернинъ «Рабби — къуртулыштыр» ибаресине ошай.

²² Буларның әписи, Раббининъ пейгъамбер ярдымынен айткъан сөзлери ерине кельмеси ичюн олды:

²³ «Къыз юклю олып, Огъул догъаджакъ,
Онынъ адыны Иммануэл къояджакълар».

Иммануэл — «Алла бизнен» демектир.

²⁴ Юсуф уянгъанынен, Раббининъ мелеги онъа буюргъаныны япты ве Мерьемге эвлениди, ²⁵ амма апайы Огъул тапмагъандже онен ятмады. Догъгъан Огълунынъ адыны Иса къойды.



¹Иса, Еудие виляетининъ Вифлеем шеэринде догъгъан сонъ, шаркътан Ерусалимге тылсымджы алимлер кельдилер. О девирде Еудиенинъ падишасы Ирод эди. ²Тылсымджы алимлер:

— Янъы догъгъан еудийлерниң Падишасы къаер-де? Биз шаркъта Онынъ йылдызыны коръдик, шунынъ ичюн Онъа бель букмеге кельдик, — дедилер. ³Буны эшиткен Ирод падиша ве онен берабер бутюн Ерусалим де буюк къасеветке тюшти. ⁴О, халкънынъ әписи баш руханийлерини ве Къанун^{*} оджаларыны топлап, олардан Месихнинъ не ерде дормакъ керегини сорады.

⁵Олар онъа:

— Еудиенинъ Вифлеем шеэринде, — деп джевап бердилер. — Чюнки пейгъамбер шойле язгъан:

⁶ «Сен де, Вифлеем, Ехуда топрагъы,
Ехуданынъ баш шеэрлеринден эксик дегильсинъ.

* **2.4 Къанун** — Алланынъ Къануны, яни Теврат, Зебур ве Алладан пейгъамберлернен ёлланылгъан башкъа Язылар.

Сенинъ ичинъден Башлыкъ чыкъаджакъ.

О, Меним Исраиль халкъыма чобанлыкъ япаджакъ».

⁷О вакъытта Ирод, тылсымджыларны гизлиден озуне чагъырып, олардан йылдызының пейда олгъан дөгъру вакътыны билип алды ⁸ве оларны Вифлеемге ёллап:

— Барынъыз, Балачыкъ ақъкъында эр шейни сораштырып билинъиз. Оны тапкъан соң манъа хабер этинъиз. Мен де анда барып, Онъа бель букерим, — деди.

⁹Тылсымджы алимлер падишанынъ сёзлерини динълеп, ёлгъа чыкътылар. Шу ань оларгъа шаркъта корюнген йылдыз тылсымджыларның огюне чыкъты ве Бала яткъан ер устюне келип токътады. ¹⁰Тылсымджы алимлер йылдызыны корип пек къувандылар, оларның къуванчы сынъырызыз эди. ¹¹Эвге кирип, Баланы ве Онъинъ анасы Мерьемни коръдилер де, тиз чёкип, Онъа бель букилер. Соң хазинелерини ачып, Онъа алтын, либан ве мюр* багъышладылар. ¹²Гедже тылсымджылар тюшлеринде Алладан: «Иродның алдына къайтманъыз», — деген эмир алдылар ве озъ юртларына башкъа ёлнен къайтып кеттилер.

¹³Тылсымджы алимлер кеткен соң, Раббининъ бир мелеги Юсуфкъа тюшүнде келип:

— Еринъден тур! Баланен анасыны алып, Мысыр-гъа къач ве, мен санъа айтмагъанымдже, о ерде къал.

* **2.11 Либан** — дженюбий Аравияда осъкен теректен азырлангъан къокъулы сакъыз, Алланың Сарайында къоқъусы чыкъарылып якъыла. **Мюр** — дженюбий Аравияда осъкен теректен азырлангъан къокъулы май, эм ибадетханелерде, эм тиббиетте къулланыла.

Чюнки Ирод Баланы къыдырып тапып, Оны ольдюрмеге истей, — деди.

¹⁴ Юсуф турды ве шу геджеси Баланен анасыны алып, Мысырга ёл алды. ¹⁵ Олар, Ирод ольгендже, анда къалдылар. Бойледже, бу шей, Раббининъ: «Мен Огълумны Мысырдан чағырып алдым», — деп, пейгъамбер аркъалы айткъан сёзю беджерильмеси ичюн олды.

¹⁶ Ирод исе, тылсымджы алимлер оны алдаткъанларыны корип, пек ачувланды ве, олардан билип алған вакъыткъа коре, Вифлеемде ве онынъ этрафында эки яшына етмеген эписи оғылан баладарны ольдюрмек ичюн аскер ёллады. ¹⁷ Бойледже, Йирмея пейгъамбер ярдымынен айтылгъан сёзлер ерине кельди:

¹⁸ «Рама шеэринде бир сес эшишиле, —
агълавлар ве буюк фигъанлар.

Балалары ичюн Рахель агълай, —
тынчланмагъа истемей бу къадын,
чюнки онынъ балалары ёкъ энди».

¹⁹ Ирод падиша ольген сонъ, Мысырда Юсуфкъа тюшонде Алланынъ мелеги корюне ве:

²⁰ — Еринъден тур, Баланы ве Онынъ анасыны ал да, Исраиль мемлекетине къайт. Чюнки Баланы ольдюрмеге истегенлер озылери ольдилер, — деди.

²¹ Шу ань Юсуф турды, Баланы ве Онынъ анасыны алып, Исраильге кельди. ²² Амма Еудиеде Ироднынъ ерине онынъ оғылу Архелай тахткъа отургъаныны бильген сонъ, Юсуф анда бармагъа къоркъты. Тюшонде эмир алып, о Галилея виляетине кетти. ²³ Анда барып, Назарет шеэринде ерлешти. Бойлеликнен: «Онъа “назаретли” дейджееклер», — деген пейгъамбер сёзю ерине кельди.



¹Шу кунълерде
Еудиенинъ сахра-
сында Сувгъа Баты-
рыджы Ягъя пейда
ола. О адамларгъа:

² — Тёвбе этинъиз, чонки Кок Падишалыгъты энди
пек якъын! — деп илян эте.

³ Ешая пейгъамбер о, Ягъя акъкъында шойле айт-
къан:

«Сахрада бир адам къычыра:

“Раббининъ ёлunu азырланъыз,
кечеджек ерлерини тюм-тюз этинъиз!”»

⁴ Ягъянынъ озю деве юнюндөн орюльген урба кийип,
белине мешин къушакъ багълап юре эди. Онынъ аша-
гъан аши чегертки ве кийик бал эди.

⁵ Ерусалим, бутюн Еудие ве Иордан озенининъ эт-
рафында яшагъанлар онынъ алдына келе эдилер. ⁶Олар
озу гуналарыны айта эдилер, Ягъя исе кельгенлерни
Иордан озенинде сувгъа батырып чыкъара эди.

⁷ Онынъ алдына чокъ ферисе ве саддукий де сувгъа
батырылып чыкъмагъа кельгенлерини корип, Ягъя
оларгъа:

— Эй йылан союндан олгъанлар! Башынъызгъа ке-
леяткъан Алланынъ гъазабындан къачып къуртуладжа-
гъынъызын сизге ким огrettii? — деди. ⁸ — Тёвбе этке-
нинъизни озы ишлеринъизнен исбат этинъиз! ⁹Лякин
ичинъизден: «Ибраим бизим бабамыз!» — деп, ич тю-
шюнменъиз. Мен сизлерге шуны айтам: Алланынъ мы-
на бу ташлардан Ибраимге бала япмагъа къудрети бар.
¹⁰ Шимди тереклеринъ тамырлары янында балта азыр

3.1-12

Марк 1.1-8;
Лука 3.1-9, 15-17;
Юхан 1.19-28.

ята. Яхшы мейва бермеген эр бир терекни кесип, атешке ташлайлар.¹¹ Мен сизни сувгъа батырам. Бу — тёвбе бельгисидир. Амма артымдан Келеяткъан менден къудретлидир. Мен Онынъ аякъкъапларыны котерип, пешинден кетмеге биле ляйыкъ дегилим. О сизни Мукъаддес Рухкъя ве атешке батыраджакъ.¹² О энди Озюнинъ маҳсус курегинен богъдайны кепектен айырмагъа азыр. О, Озъ арманыны темизлайджек: богъдайны анбаргъа топлап, кепекни исе сёнmez атеште якъаджакъ.

¹³ О вакъыт Ягъянынъ янына, сувгъа батырылмакъ ичюн, Галилеядан Иордан озени боюна Иса келе.¹⁴ Ягъя башта Оны токътатмагъа истеп:

— Мен озюм Санъа барып сувгъа батырылмакъ керегим. Сен исе манъа кельгенсинъ! — деди.¹⁵ Иса онъа джевап берип:

— Шимди шай олсун, бизге Алланынъ истегенини япмакъ керек, — деди. Ве Ягъя разы олды.

¹⁶ Батырылгъан сонъ, Иса аман сувдан чыкъты. Шу ань Онынъ оғюнде кок ачылды да, Иса Алланынъ Рухуны корьди: О, гогерджин киби ашагъа энип, Онъа къонды.¹⁷ Коклерден:

— Бу — Меним севимли Огълумдыр! Мен Ондан разым! — деген сес эшитильди.

3.13-17

Марк 1.9-11;
Лука 3.21-22.



¹Сонъ Рух Исаны,
Иблиснинъ сынавындан
кечмек ичюн, сахрагъа
алып барды. ²О къыркъ кунь ве къыркъ
гедже аштан вазгечип, пек ач олды.

4.1.11Марк 1.12-13;
Лука 4.1-13.

³Онынъ янына Сынавджы кельди де:

— Эгер Сен Алланынъ Огълу олсанъ, айтчы, бу ташлар отьmek олсуналар! — деди. ⁴Иса онъа джевап берип, шойле деди:

— Алланынъ Китабында:

«Инсангъа яшамакъ ичюн тек бир отьmek дегиль,
онъа Алланынъ агъзындан чыкъкъан
эр бир сёз керек ола», — деп язылгъан.

⁵Сонъ Иблис Исаны Ерусалимге, Мукъаддес Шеэр-
ге кетирте ве Оны Алланынъ Сарайы тёпесине къойып,
⁶Исагъа:

— Эгер Сен Алланынъ Огълу олсанъ, Озюнъни
ашагъа ташлачы. Чюнки Алланынъ Китабында шойле
язылгъан:

«О, Сен акъкъынъда Озъ мелеклерине
эмип этеджек»

ве

«Олар Сени къолларында котерип кетеджеклер,
аягъынъ ташкъа сюрюнмейджек».

⁷Иса онъа:

— Анда даа язылгъан: «Раббинъни, сенинъ Алланъны сынама», — деди.

⁸Сонъ Иблис Исаны пек юксек къая устюне чыкъартты. Дюньянынъ бутюн падишалыкъларыны ве оларнынъ шуретини Онъа косътерип:

⁹ — Эгер тиз чёкип, манъя ибадет этсень, буларның
эписини Санъа беририм, — деди. ¹⁰Иса исе:

— Козюмден ёкъ ол, Иблис! Алланың Китабында:
«Раббинъе Алланъа белинъни буқ,
тек Онъа ибадет эт», — деп язылгъан, — деди.

¹¹Бундан соңъ Иблис Исадан кетти. Шу ань мелек-
лер келип, Онъа хызмет эттилер.

¹²Иса Ягъяның апске алынгъаныны
эшитип, Галилеягъа къайтып кельди.

4.12-17

Марк 1.14-15;
Лука 4.14-15.

¹³О, Назарет шеэрinden кетип, Зевулун
ве Нафтали топракъларында, Галилея голю янындаки
Кафарнаум шеэринде ерлешти. ¹⁴Бойледже, Ешая пей-
гъамберинъ сёзю эда олунды:

¹⁵ «Эй Зевулун топрагъы ве Нафтали топрагъы,
голь ёлунда, Иордан аркъасы!
Чокъ миллетнинъ юрту Галилея!

¹⁶ Къаранлыкъта яшагъан халкъ
буюк ярыкъ корьди!
Олюм топрагъында, олюм саесинде
яшагъан адамлар ичюн
аидын ярыкъ танъ атты».

¹⁷ О вакъыттан соңъ Иса:

— Төвбе этинъиз, чонки Кок Падишалыгъы якъын
кељди, — деп, адамларгъа Алланың шейлерини огре-
тип башлады.

¹⁸ Галилея голю боюндан кечеяткъан-
да, Иса эки агъа-къардашны: Пётр деп
адлангъан Симонны ве оның къардашы
Андрейни корьди. Олар балыкъчы эди ве сувгъа сачма-
ларыны атып турға эдилер. ¹⁹Иса оларгъа:

4.18-22

Марк 1.16-20;
Лука 5.1-11.

— Меним артымдан юрюнъиз. Сиз балыкъ дегиљ де, инсан тутаджакъсынъыз, — деди.

²⁰ Агъа-къардаш шу ань балыкъ сачмаларыны ташлап, Исааның пешинден кеттилер.

²¹ Бираз юрген сонъ, Иса башкъа эки агъа-къардашны: Зебедайның оғылу Якъупны ве оның къардашы Юханны корьди. Олар бабасы Зебедайнен къайыкъ ичинде балыкъ сачмаларыны тюзете эдилер. Иса оларны да чагъырды. ²² Олар да, шу ань къайыкъны ве бабасыны къалдырып, Оның артындан кеттилер.

²³ Иса бутюн Галилеяны айланып чыкъты. О синааголарда халкъны огредип, Алланың Падишалыгъы акъкъында хабер этти, адамларны тюрлю хасталыкълардан ве дертерден тедавийлеп юрди.

²⁴ Оның шурети бутюн Суриеге даркъалды. Тюрлю хасталыкълар ве агъыр дертернен чекишип юргенлерни, джин ургъанларны, паралич ургъанларны ве тутарыкъ хасталарыны, эписини Исааның алдына кетире эдилер. О исе оларны тедавийләй эди. ²⁵ Галилея, Он Шеэр, Ерусалим, Еудие ве Иордан аркъасы тарафындан чокъ олып кельген адамлар Оның артындан юре эдилер.



¹Бир кунь Иса, адамларның чокъулугъыны корип, дагъының төпесине чыкъып отурды. Шегиртлери Оның янына кельдилер. ²Иса оларны огредип башлады:

³ — Не де баҳтлы-
дыр, озюнде кучълю руху олмайып,

4.23-25

Лука 6.17-19.

5.3-12

Лука 6.20-23.

Аллагъа ишангъанлар, чонки Кок Падишалыгъы олар-
нынъки!

⁴Не де бахтлыдыр агълагъанлар, чонки олар теселли
тападжакълар!

⁵Не де бахтлыдыр ювашлар, чонки оларгъа ер юзю
мирас оладжакъ!

⁶Не де бахтлыдыр акъикъаткъа ач олгъан ве сувса-
гъанлар, чонки олар тояджакълар!

⁷Не де бахтлыдыр мераметлилер, чонки оларгъа ме-
рамет эйленеджек!

⁸Не де бахтлыдыр саф юреклилер, чонки олар Ал-
ланы кореджеклер!

⁹Не де бахтлыдыр барыштырыджылар, чонки олар
Алланынъ огъуллары дениледжеклер!

¹⁰Не де бахтлыдыр акъикъат ичюн къувулгъанлар,
чонки Кок Падишалыгъы оларнынъки!

¹¹Мен ичюн адамлар сизни къувгъанда-къарагъан-
да, сиз акъкъынъызыда яман яланлар айткъанда, бахтлы
оладжакъсыз! ¹²Къуванынъыз ве шенъленинъиз, чонки
коклерде сизинъ мукяфатынъыз буюктир! Сизден эвель
яшагъан пейгъамберлер де шойле къувулгъан эдилер.

¹³Сиз — дюньянынъ тузусынъыз.
Амма туз тузлугъыны джойса, онынъ
лезетини насыл къайтараджанъ? О ар-
тыкъ ич бир шейге ярамаз, оны кельген-кеткенлернинъ
аякълары астына аталар!

5.13-16

Марк 9.50;
Лука 14.34-35.

¹⁴Сиз — дюньянынъ нуруусынъыз. Дагъ тёпесинде ер-
лешкен шеэр гизли оламаз. ¹⁵Чыракъ якъкъанда, онынъ
устюни савутнен къапатмайлар, аксине, оны шамдан
устюне ерлештирелер, ве о, ярыгъыны эвдекилернинъ

эписине бере.¹⁶ Ойле де, сизинъ нурунтыз инсанлар огунде парылдасын, олар исе яхшы ишлеринъизни корип, Коклердеки Бабантызыны шуретлесинлер.

¹⁷ Мени, Алланынъ Къануныны я да Пейгъамберлернинъ Языларыны ёкъ этмек ичюн кельди, деп тюшюнменъиз. Мен оларны ёкъ этмек ичюн дегиль, беджермек ичюн кельдим. ¹⁸ Сизге айткъаным догърудыр: ернен кок джоюлмагъандже, Къанундан не бир юфакътан-юфакъ ариф, арифнинъ чызычыгъы биле ёкъ олмаз. Бу шейлернинъ эписи оладжакъ.

¹⁹ Ким бу эмирлернинъ энъ юфагъыны бозып, башкъаларны да буны япмагъа огretсе, Kok Падишалыгъында эписинден кучюк оладжакъ. Лякин ким бу эмирлерни беджерип, башкъаларгъа огretсе, Kok Падишалыгъында буюк оладжакъ. ²⁰ Сизлерге шуны айтайым: эгер сизлер фериселер ве Къанун оджаларындан инсафлы олмасантыз, Kok Падишалыгъына кирип оламазсыз.

²¹ Баба-деделерге: «Адамнынъ джаныны алма! Ким адам ольдорсе исе, махкемеде къабаатлы сайыладжакъ», — денильгенини эшииттинъиз. ²² Мен исе сизге айтам: ким агъа-къардашына кин тутса биле, махкемеде къабаатлы сайыладжакъ. Ким биригине «къабакъ баш» десе, Юксек Шура огунде къабаатлы сайыладжакъ. Ким биригине «акъылсыз кяфир» десе, джеэннем атешине огърамагъа ляйыкъ оладжакъ. ²³ Бойледже, сен къурбан чалынгъан ерге бахшыш кетиргенде, анда къардашынъинъ санъа джаны агъыргъаны акъылынъа кельсе, ²⁴ бахшышынъы о ерде къалдыр ве барып, къардашынънен муаббетлеш. Бундан соң келип, бахшышынъы бер.

²⁵ Эгер бириси сени къадыгъа джевап бермек ичюн алып кетсе, даваньызы даа вакъыт олгъанда, ёл бою чезинъиз. Чюнки ракъибинъ сени къадыгъа, къады исе апсхане аскерине береджек. Соң сени зиндангъа ташларлар. ²⁶ Санъя догърусыны айтам: о ерден сонъки капигинъни бермегендже чыкъып оламазсынъ!

²⁷ Сиз: «Аиле садыкълыгъыны бозма», — денильгенини эшиттинъиз. ²⁸ Мен исе сизге айтам: ким бир къадынгъа бозукъ ниетнен бакъса биле, гонълюнде о къадыннен гуна ичине энди баткъан ве садыкълыгъыны бозгъан. ²⁹ Эгер онъ козюнъ сени ёлдан урса, оны чыкъарып ал да, озюнъден узакъча ташла. Бир къысмынъ гъайып олса да, бу сен ичюн бутюн беденинъ джеэннемге ташлангъанындан яхшыдыр. ³⁰ Эгер онъ къолунъ сени ёлдан урса, оны кесип, озюнъден узакъча ташла. Бир къысмынъ гъайып олса да, бу сен ичюн бутюн беденинъ джеэннемге оғырагъанындан яхшыдыр.

³¹ Даа шойле айтылгъан: «Ким апайындан айырылса, онъа айырув кягъытыны берсин». ³² Лякин Мен сизге айтам: ким апайындан, аиле садыкълыгъы бозувындан башкъа себеп тапып, айырылса, онынъ апайы исе башкъасына акъайгъа чыкъса, о, апайыны аиле садыкълыгъыны бозув гунасына ёллай. Айырылгъан къадынгъа эвленген адам да шу гунагъа оғырай.

³³ Даа баба-деделерге: «Берген антынъны бозма. Раббинъ алдында ант эткенинъни ерине кетир», — денильгенини эшиттинъиз. ³⁴ Лякин Мен сизге айтам: ич бир вакъыт ич бир шейнен ант этменъиз! Кокнен ант этме, чюнки о — Алланынъ тахтыдыр. ³⁵ Ернен де ант

5.31-32

Матта 19.9;
Марк 10.11-12;
Лука 16.18.

этме, чонки о — Алланынъ аякъ баскъан ери. Еруслымнен де ант этме, чонки о — Улу Падишанынъ шеэридир.³⁶ Озь башынънен де ант этме, чонки сен бир сачынъны биле беяз я да къара этип оламазсынъ.³⁷ Сенинъ айткъан сёзюнъ тек «эбет» ве «ёкъ» олсун. Эбет олса — эбет олсун, ёкъ олса — ёкъ олсун. Бундан башкъасы — яман Иблистен келе.

³⁸ Сиз: «*Козъ ичюн козъ ве тиши ичюн тиши*», — денильгенини эшитти-

5.38-42

Лука 6.29-30.

нъиз.³⁹ Мен исе сизге айтам: сизге япылгъан яманлыкъкъа къаршы яманлыкъ къайтарманъыз. Кимде-ким сенинъ сагъ янагъынъа урса, онъа сол янагъынъны къой.

⁴⁰ Ким де сени махкемеге чекип, кольмегинъни тутып алмагъа истесе, онъа усть урбанъны да чыкъарып бер.

⁴¹ Ким де, озюни озгъарып, сени бинъ адым кечмеге меджбур этсе, онен эки бинъ адым кеч.

⁴² Сенден сорагъангъа бер, сенден борджкъа алмакъ истегенден де юзъ чевирме.

⁴³ Сиз: «*Якъынынъны сев ве душманынъдан нефретлен*», — денильгенини эшиттинъиз.⁴⁴ Мен исе сизге айтам:

5.43-48

Лука 6.27-28,
32-36.

душманларынъызын севинъиз эм сизни къувалагъанлар огъруна дувалар окъунъыз.⁴⁵ Ана ондан сонъ Коклердеки Бабанъызынъ огууллары олурсынъыз. Чонки О Озь кунешине эмир эте ве кунеш эм яхшы адамлар, эм яман адамлар устюне дөгъя. Алла инсафлылар ве инсафсызлар устюне ягъмур ягъдыра.⁴⁶ Эгер сиз тек сизни севген адамларны севсеньиз, Алладан мукяфат беклемек олурмы?⁴⁷ Салым топлайыджылар да бойле этмейлерми?⁴⁷ Эгер сиз тек дин къардашларынъызгъа селям

берсенъиз, бунен буюк иш яптынъызмы? Аллагъа инанмагъянлар да бойле япмайлармы? ⁴⁸ Бойледже, Коктеки Бабанъыз киби, сиз де мукеммель олунъыз.



¹Сакът олунъыз, эйи ишлеринъиз-ни адамларның огюонде, олар сизни корьсюн деп, япманъыз. Акс алда Коклердеки Бабанъыздан мukяфат алып оламазсыз.

²Бойлеликнен, садакъаны бергенде, эр кеснинь дикъкъатыны джельп этме. Буны экиюзъюлер япалар. Адамлар оларны макътасын деп, эйилиги акъкъында синагога ве сокъакъларда макътанып юрелер. Сизге дөгърусыны айтам: олар энди мukяфатларыны бутюнлей алалар. ³Сен садакъа бергенде исе, сол къолунъ онъ къолунъ не япкъаныны бильмесин. ⁴Сонъ, сенинъ садакъань гизлиден олсун. О вакъыт эр гизли ишни коръген Бабанъ сени мukяфатлар.

⁵Дува окъугъанда, экиюзъюлер киби япма. Олар синагога ве кенъ со-6.5-15
Лука 11.2-4. къакъларның кошелеринде токътап, эр кес корьсюн деп, дува этмеге севелер. Сизге дөгърусыны айтам: олар мukяфатыны алалар. ⁶Сен исе дува окъугъанда, эвнинъ арттаки одасына кир ве къапуны къапатып, гизли олгъян Бабанъа дува окъу. О вакъыт эр гизли ишни коръген Бабанъ сени мukяфатлар.

⁷Дува окъугъанынъызда, Аллагъа инанмагъянлар киби, сёэлерни чокъ текрарлап отурманъыз. Олар: «Чокъ айтсан, дувам эшитилир», — деп тюшюнелер. ⁸Оларгъа ошаманъыз, чонки Бабанъыз, сиз Ондан

сoramаздан эвель, сизге не керек олгъаныны биле.⁹ Дұ-
ваны бойле окъунъыз:

Бизим Коклердеки Бабамыз,

Сенинъ Мукъаддес Адынъыны эр кес сайсын!

¹⁰ Сенинъ Падишалыгъынъ кельсин!

Кокте олгъаны киби,

ерде де Сенинъ ираденъ олсун!

¹¹ Бугунь бизге куньделик отымегимизни бер.

¹² Бизге къаршы гуна япкъан

адамларны багъышлагъанымыз киби,

Сен де бизим Санъя къаршы япкъан

гуналарымызыны^{*} багъышла.

¹³ Бизге ёлдан урулмагъа берме,

яманлықтан къорчала.

¹⁴ Эгер сиз башкъаларнынъ сизге къаршы яптылгъан
гуналарыны багъышласанъыз, Коктеки Бабанъыз сизни
де багъышлар. ¹⁵ Аксине, эгер сиз адамларны багъышла-
масанъыз, Бабанъыз да сизни багъышlamaz.

¹⁶ Аштан-сувдан вазгечкенде, экиюэзлюлер киби чы-
райынъызыны сыйып юрменъиз. Олар, аштан вазгечкен-
лерини адамларгъа бильдиремек ичон, юзълеринден
къар ягъдырып юрелер. Сизге дөгърусыны айтам: олар
энди мukяфатыны алалар. ¹⁷ Ляжин сен аштан-сувдан
вазгечкенде, башынъыны зейтюн ягъынен ягълап, бе-
тинъни ювып юр. ¹⁸ Сенинъ аштан вазгечкенинъни адам-
лар дуймасын, оны тек гизли олгъан Бабанъ бильсин.

* **6.12** Эльязмада «бордж» сёзю къулланыла. Мында бу сёз «гуна»
манасыны ташый: «Бизге борджлу олгъанларны багъышлагъаны-
мыз киби, Сен де бизим борджларымызыны багъышла».

О вакъытта, эр гизли ишни корыген Бабанъ сени мұкяфатлар.

¹⁹ Озълеринъизге ер юзүнде байлықъ топламанъыз. Бу ерде оны сюме ве тот боза, хырсызлар исе әвинъизни басып, талайлар. ²⁰ Аксине, озълеринъизге Кокте байлыкъ топланъыз. Онъа сюме де тюшmez, оны тот да бозмаз. Оны хырсызлар да басып алмаз. ²¹ Байлыгъынъ къайда олса, юргинъ де шу ерде олур.

²² Козь — беденниң нурудыр. Эгер сенинъ козюнъ сагъlam олса, бутюн бедениң де ярыкъка толу олур. ²³ Амма козюнъ сагъlam олмаса, бутюн бедениң де къаранлыкъка толар. Эгер де ичинъдеки нур къаранлыкъ олса, къаранлыкъның озю насыл экен?!

²⁴ Кимсе әки әфендиге хызмет эталмаз. О, я бирисинден нефретленип, башкъасыны север, я да бирисине садыкъ олып, башкъасыны кореджек козю олмаз. Сиз де эм Аллагъа, эм зенгинликке хызмет этип оламайсыз.

²⁵ Шуның ичюн сизге айтам: яшамакъ ичюн бизге аш-сув, кийинmek ичюн исе урба керек, деп къасевет этменъиз. Джанынъыз аштан, тенинъиз урбадан къыйиметли дегильми? ²⁶ Кокте учкъан къушларгъа бакъынъыз: олар не сачалар, не оралар, не анбаргъа ашлыкъ джыялар. Амма оларның ашыны Коктеки Бабанъыз бере. Сиз исе олардан не къадар къыйиметлисиз. ²⁷ Къайсы биринъиз къасеветленип, озъ омрюони ич олмадым бир saatke узата билир? ²⁸ Соңъ, урба ичюн о къадар къасеветленмек олурмы?

6.19-21

Лука 12.33-34.

6.22-23

Лука 11.34-36.

6.24

Лука 16.13.

6.25-34

Лука 12.22-34.

Тарладаки чечеклерниң насыл осынендерине бакъынъыз: олар не чалышалар, не орелер.²⁹ Амма сизге шуны айтам: Сулейман биле озюнинь бутюн шуретли улулыгъында, бу чечеклерниң бириси киби кийинмеген эди.³⁰ Эгер Алла бугунь осынен, ярын исе оджакъкъа атыладжакъ тарла отуны ойле кийиндирсе, сизни олардан яхшы кийиндирмезми, эй иманы аз олгъанлар?³¹ Шунынъ ичюн: «Не ашайджамыз? Не ичеджемиз? Не киеджемиз?» — деп къасеветленменъиз.³² Буларнынъ эписини Алланы бильмеген халкълар къыдыра. Сизинъ Коктеки Бабанъыз исе бу шейлерге мухтадж олгъанынъызын биле.³³ Сиз башта Алланынъ Падишалыгъыны ве Онынъ инсафлыгъыны къыдырынъыз, ве бу шейлерниң эписи де сизге бериледжек.

³⁴ Бунъя коре ярынки кунь акъкъында къайгъыроманъыз. Ярын, озю ичюн озю къайгъырыр. Эр бир куннинъ къасевети озюне етер.



¹Кимсени укюм этменъиз, сизни де укюм этmezлер. ²Сизлер насыл укюм этсенъиз, сизге де шойле укюм этеджеклер. Сизлер насыл ольчювнен ольчесенъиз, Алла да сизге шойле ольчеп берир.

7.1-6
Лука 6.37-38,
41-42.

³ Сен не ичюн къардашынъынъ козюндеки чёпке бакъасынъ, озъ козюнъде исе агъачны корымейсинъ?⁴ Насыл этип, къардашынъ: «Бер, козюнъдеки чёпни чыкъарып алайым», — дейсинъ? Бакъса, сенинъ козюнъде агъач бар!⁵ Эй экиюзюлю! Башта озъ козюнъден

агъачны чыкъарып ал да, сонъ къардашынъынъ ко-
зунден чёпни насыл чыкъараджагъынъы корерсинъ.

⁶ Мукъаддес олгъан шейни копеклерге берменъиз —
олар устюнъизге атылып, сизни парчаларлар. Инджи-
ринъизни домузлар огюоне сепменъиз — олар оны таптап
ташларлар.

⁷ Соранъыз — сизге берилемдек. **7.7-12**
Къыдырынъыз — тападжакъсыз. Та-
къырдатынъыз — сизге ачыладжакъ. ⁸Чюнки эр бир
сорагъан ала, къыдыргъан тата, такъырдаткъангъа къа-
пуны ачалар.

⁹ Огълу бабасындан отьmek сорагъанда, онъя таш
берген адам сизинъ аранъызда тапылымы? ¹⁰Балыкъ
сораса исе, онъя йылан берген сою бармы? ¹¹Эгер сиз,
яман адамлар, балаларынъызгъа яхшы бир шей берип
бильсенъиз, Коклердеки Бабанъыз Ондан сорагъангъа
яхшы шейлерни багъышлар. ¹²Шунынъ ичюн, адамлар
сизге не япкъаныны истесенъиз, сиз де оларгъа шуны
япынъыз. Бунда бутюн Къанун ве Пейгъамберлернинъ
Язылары тура.

¹³ Тар къапудан кириңъиз! Чюнки **7.13-14**
оolumнинъ къапусы кенъ, ве анда алып
баргъан ёл пек бол. Шу ёлдан юргенлер де чокъ. ¹⁴Омюр
къапусы исе пек тарашликъ, ёлу да тар. Ве бу ёлны
тапкъанлар аз.

¹⁵ Ялан пейгъамберлерден сакът олу-
нъыз! Олар сизинъ алдынъызгъа къозу
терисинен къапланып келелер, лякин ичинде йырты-
джы къашкъылардыр. ¹⁶Оларны, япкъан ишлери мей-
валарындан танырсыз. Когемден юзюм, я да тикенектен

инджир джыялармы? ¹⁷ Эр бир яхшы терек яхшы мейва бере, ярамай терек исе ярамай мейва бере. ¹⁸ Яхшы терек ярамай мейва бермей, ярамай терек исе яхшы мейва бермей. ¹⁹ Яхшы мейва бермеген эр бир терекни пычып, атешке ташлайлар. ²⁰ Бойледже, ялан пейгъамберлерни ишлерининъ мейваларындан танырысыз.

²¹ Манъя: «Раббим, Раббим!» — де-
генлернинъ эписи Кок Падишалыгъына
кирип оламаз. Анда тек Меним Коклердеки Бабамнынъ
ирадесини беджергенлер кирежеклер. ²² Шу куню чокъ
адамлар Манъя: «Раббим, Раббим! Биз Сенинъ адынъ-
нен пейгъамберлик этмедиикми? Сенинъ адынънен джин-
лерни къувып чыкъармадыкъымы? Сенинъ адынънен
чокъ адҗайип шейлер япмадыкъымы?» — дейджееклер.
²³ О вакъыт Мен оларгъа: «Мен сизни бир вакъыт биль-
меген эдим. Эй Къанунны бозгъянлар, Меним янымдан
кетинъиз!» — деп джевап береджем.

²⁴ Энди, ким Меним бу сёзлеримни
эшитип, оларны беджерсе, озъ эвини
таш устюнде къургъан акъыллы адамгъа ошаттыраджам.
²⁵ Ягъмур ягъып, озенлер ташып, еллер эсип, о эвнинъ
устюне тюшселер биле, таш устюнде къурулгъаны
ичион, о бозулмаз.

²⁶ Ким Меним сёзлеримни эшитип, оларны беджер-
месе, озъ эвини къум устюнде къургъан акъылсыз адам-
гъа ошайджакъ. ²⁷ Ягъмур ягъып, озенлер ташып, еллер
эсип, о эвнинъ устюне тюшселер, о эшилип, дагъылып
кетеджек.

²⁸ Иса бу сёзлерни айтып битиргенинен, адамлар
Онынъ огтрекенине шаштылар. ²⁹ Чюнки Иса оларны

7.21-23

Лука 13.25-27.

7.24-29

Лука 6.47-49.

Къанун оджалары киби дегиль, буюк къудрет берильген адам киби огрете эди.



¹Иса дагъдан тюшкен сонъ, Онынъ артындан чокъ адам кетти. ²Шу арада лепра хасталыгъинен чекишкен бир адам Онъя якъынла-

8.1-4
Марк 1.40-45;
Лука 5.12-16.

шып, тиз чёкти де:

— Эфендим, эгер истесенъ, мени эляллап тедавийлерсинъ, — деди. ³Иса къолуны узатты ве онъя тийдирип:

— Мен истейим, элял ол, — деди. Шу дақъкъасы лепра хасталыгъы ёкъ олып, о, элял олды. ⁴Иса онъя:

— Сакъын, буны кимсеге айтма! Лякин барып, озюнъни руханийге косътер ве Муса буюргъан бахшышыны кетирип бер, о, эписине шаатлыкъ олсун, — деди.

⁵Иса Кафарнаум шеэрине кельгенде, Рим ордусынынъ бир юзбашы Онынъ алдына кельди ве ялварып:

8.5-13
Лука 7.1-10;
Юхан 4.43-54.

⁶— Эфендим, меним хызметчим эвде пек къыйналып ята, оны паралич урды, — деди. ⁷Иса онъя:

— Мен барып оны тедавийлерим, — деди. ⁸Юзбашы джевап берип:

— Эфендим! Меним эвиме келип киргенинъе ляйыкъ дегилим. Сен бир сёзнен буюрсанъ биле, хызметчим тедавийленир. ⁹Чонки мен де бойсунам, манъя да бойсунгъан аскерлер бар. Бирисине: «Кет», — десем, кете. Башкъасына: «Кель мында», — десем, келе. Хызметчи: «Шуны яп», — десем, япа, — деди.

¹⁰Иса буны эшитип, шашты ве артындан юргенлерге:

— Сизге дөгърусыны айтам: Мен о къадар буюк иманны Исаильтде ич бир кимседе тапмадым.¹¹ Сизге шуны айтам: шаркътан ве гъарптан чокъ адам келип, Кок Падишалыгъында Ибраим, Исхаакъ ве Якъупнен берабер софра башында ер аладжакълар.¹² Израиллиер ичюн Падишалыкъ азырлангъан эди, амма олар тышкъа, къаранлыкъкъа къувуладжакълар. Анда агълап, тишлирини гъыджырдатаджакълар, — деди.

¹³ Сонъ Иса юзбашыгъя:

— Эвинье бар, сенинъ иманынъа коре олсун, — деди. Юзбашынынъ хызметчиси исе шу ань тюзельди.

¹⁴ Иса Пётрнынъ эвине кельгенде, онынъ къайнанасы юксек сыйджакънен яткъаныны корьди.¹⁵ Иса онынъ къолуна тийгенинен, къадыннынъ сыйджагъы тюшти. О турып, Онъа софраны донатты.

8.14-17

Марк 1.29-34;
Лука 4.38-41.

¹⁶ Акъшам устю, джин ургъан бир талай адамларны Исанынъ алдына кетирдилер. О, Озъ сёзюнен арам рухларны къувып чыкъарды ве эписи хасталарны тедавийледи.¹⁷ Бойледже, Ешай пейгъамбер ярдымынен айтылгъан сёзлери беджерильди:

«О хасталыкъларымызыны Озюне алды
ве дертлеримизни алып кетти».

¹⁸ Сонъ Иса этрафында чокъ адам топлангъаныны корип, шегиртлерине голынинъ къаршы ялысына кечмесини буюрды.¹⁹ Шувакъытта бир Къанун оджасы Онъя якъынлашып:

8.18-22

Лука 9.57-62.

— Оджа! Къайда барсанъ да, мен Сенинъ артынъдан юрмеге азырым, — деди.²⁰ Иса онъя:

— Тилькилернинъ къобалары бар, коктеки къушлар-нынъ ювалары бар. Лякин Инсан Огълунынъ башыны ястыкъкъа къойып ятмагъа ери ёкъ, — деди.

²¹Сонъ шегиртлеринден бири Исағъа:

— Эфендим, башта барып бабамны дефн этмеге разылыкъ бер, — деди. ²²Лякин Иса онъа:

— Сен Меним артымдан юр. Олюлер озъ олюлерини дефн этсинлер, — деди.

²³Иса къайыкъа мингенде, Онынъ
пешинден шегиртлери де чыкътылар.

8.23-27

Марк 4.35-41;
Лука 8.22-25.

²⁴Апансыздан гольде кучълю фуртуна
къопты, юксек далгъалар къайыкъыны толдура башлады-
лар. Иса исе юкъугъа далгъан эди. ²⁵Шегиртлери
Онынъ янына барып, уяттылар ве:

— Раббим! Бизни къуртар, богъулып оледжекмиз!
— деп къычырдылар. ²⁶Иса исе:

— Не ичюн сиз бойле къоркъакъсынтыз, аз иманлы-
лар? — деди оларгъа. Сонъ еринден турып, фуртуна ве голь-
ни тынчландырды. Шу вакъыт эр шей бутюнлей тынды.

²⁷Адамлар шашып къалдылар ве бир-бирлерине:

— Кимдир бу я? Ель де, голь де Онъа бойсуналар! —
дедилер.

²⁸Иса гольнинъ башкъа ялысына, га-
даралыларнынъ юртуна етип кельгенде,
къабирлернинъ арасындан Онынъ къар-
шысына джин ургъан эки адам чыкъты. Олар пек ачувлы
олгъянлары ичюн, о ердеки ёлдан кимсе кечип оламагъян.

8.28-34

Марк 5.1-20;
Лука 8.26-39.

²⁹— Эй Алланынъ Огълу, бизде не ишинъ бар? Бу
ерге бизни, вакъты кельмезден эвель, чекиштирмеге
кељдиньми? — деп къычырды олар.

³⁰ Узакъта буюк бир домуз сюрюоси отлап юре эди.
³¹ Джинлер Исағъа ялвардылар:
— Эгер бизлерни къувып чыкъараджакъ олсань, анавы домуз сюрюосине ёлла, — дедилер. ³² Иса оларгъа:
— Барынъыз! — дегени киби, джинлер адамлардан чыкъып, домузларгъа кирдилер. Шу ань бутюн домуз сюрюоси тик къаядан голъге атылды ве сувда богъулып ольди. ³³ Домузларны бакъкъанлар исе къачып кеттилер. Шеэрge барып, олып кечкен адисени ве джин ургъанларгъа не олгъаныны эписине айтып бердилер. ³⁴ Онынъ ичюн, бутюн шеэр сакинлери Исанынъ къаршысына чыкъты. Оны коръгенлеринен, юртларындан чыкъып кетсин деп, риджа эттилер.



¹ Иса къайыкъекъа минип, кене голънинъ къаршы ялысына кеч-ти. О озы яшагъан шеэрине къайтты.
² Шу арада Онынъ алдына тёшекте ят-къан бир адамны котерип кетирдилер. Оны паралич ур-гъан эди. Иса, хастаны кетирген адамларнынъ иманыны корип, онъя:

9.1-8
Марк 2.1-12;
Лука 5.17-26.

— Джесюр ол, огълум, гуналарынъ багъышланды! — деди.

³ О вакъыт Къанун оджалары ичлеринден: «Бу адам куфюр сёзлерни айта!» — деп тюшондилер. ⁴ Иса исе оларнынъ фикирлерини билип:

— Сиз не ичюн юреклеринъизде бойле яман фикирлер тутасыз? — деди. ⁵ — Айтыладжакъ сёзлерден къайсы къолайджа: «Гуналарынъ багъышланды» я да

«Еринъден тур ве кет», — демекми?⁶ Шимди Инсан Огълунынъ ер юзюнде гуналарны багъышламакъ къудрети олгъаныны билирсиз.

Сонъ Иса хастагъя:

— Еринъден тур, тёшегинъни алып, эвинъе кет! — деди.⁷ Шу вакъытта паралич ургъан адам еринден турып, озъ эвине кетти.

⁸ Бу адисени корыген адамлар шашып къалдылар.

Олар инсанларгъа бойле къудрет берген Алланы шуретледилер.

⁹ Сонъ ёлуни девам эткен Иса, салым топлангъан ерде отургъан бир адамны корьди. Онынъ ады Матта эди.

Иса онъя:

— Меним артымдан юр! — деди. О, шу ань еринден турып, Исанынъ пешинден кетти.

¹⁰ Олар эвде, уйлелик ашны ашамакъ ичюн софра башына отургъанда, бир сыра салым топлайыджылар ве башкъа гуналы адамлар келип, Иса ве Онынъ шегиртлеринен берабер отургъанлар.¹¹ Фериселер буны корип, Исанынъ шегиртлеринден:

— Сизинъ Оджанъыз салым топлайыджылар ве гуналы адамларнен ашап-ичип отургъаны недир?⁹ — деп сорадылар.

¹² Иса буны эшитип:

— Эким сагъламларгъа дегиль, хасталаргъа керек, — деди.¹³ — Сизлер исе барып: «Мен къурбан истеме-йим, мерамет истейим», — деген сёзлернинъ манасыны анъламагъа тырышынъыз. Чюнки Мен инсафлы адамларны дегиль, гуналыларны чагъырмагъа кельдим.

9.9.13

Марк 2.13-17;
Лука 5.27-32.

¹⁴ Сонъ Ягъянынъ шегиртлери Иса-
нынъ алдына келелер ве:

— Биз ве фериселер сыкъ-сыкъ аш-
тан-сувдан вазгечемиз. Не ичюн Сенинъ шегиртлеринъ
ойле япмайлар? — дейлер.

¹⁵ Иса оларгъа:

— Тойгъа чагъырылгъан мусафирилер, киев оларнен
олгъанда, къайгъыралармы? Амма киевни олардан ала-
джакълар. Ана шу куньлер кельгенде олар аштан-сув-
дан вазгечеджеклер, — деди.

¹⁶ Кимсе эски урбагъа янъы, даа джыйылмагъан
парчадан ямав къоймай, чонки янъы ямав эски урба-
ны озюне тартып, тешикни даа бетер алгъа кетирир.

¹⁷ Эм кимсе яш шарапны эски мешин торбаларгъа тол-
дурмай, чонки эски торбалар ярыладжакъ — эм ша-
рап тёкюледжек, эм торбалар гъайып оладжакъ. Ак-
сине, яш шарапны янъы мешин торбаларгъа толдура-
лар. О вакъытта эм шарап, эм торбалар сакъланып
къалырлар.

¹⁸ Иса оларгъа бу сёзлерни айткъанда,
башлыкъларындан бири Онынъ алдына
кельди ве тиз чёкип:

— Меним къызыым шимди ольди. Амма Сен келип,
онъа къолунъны тийдирсень, о яшайджакъ, — деди.

¹⁹ Иса еринден турып, шегиртлеринен берабер о
адамнынъ артындан барды. ²⁰ Ёл бою кеткенде, бир
къадын Онынъ артындан етип, урбасынынъ этегине
тийди. О апай он эки йылдан берли къан джоя экен.

²¹ О озюндже: «Эгер урбасына бир тийип алсан биле,
тедавийленирим», — деп тюшонген.

9.14-17

Марк 2.18-22;
Лука 5.33-39.

9.18-26

Марк 5.21-43;
Лука 8.40-56.

²²Иса айланып, къадынны корьди ве:

— Джесюр ол, къызыым, иманынъ сени тедавийледи, — деди. Къадын шу ань тюзельди.

²³Иса башлыкъынынъ эвине келип киргенде, дженазелерде къавал чалгъан усталарны ве шамата къопаргъан чокъ адамларны корьди. ²⁴О:

— Бу ерден кетинъиз! Къызычыкъ ольмеген, о юкълай! — деди. Адамлар исе Онынъ устюндөн кульдилер.

²⁵Эписи тышкъа чыкъкъан сонъ, Иса, ода ичине кирип, къызычыкъынынъ къолундан тутты. Шу ань бала еринден турды. ²⁶Бу адисе акъкъында хабер шу ерниң бутюн этрафларына даркъалды.

²⁷Иса о ерден кеткенде, Онынъ артындан эки кёр адам такъылды.

— Эй Давут Огълу Иса, бизге мерамет эт! — деп къычырып ялвардылар.

²⁸Иса эвге кирген сонъ, кёр адамлар Онынъ янына кельдилер. Иса олардан:

— Мен истегинъизни япа биледжегиме инанасызымы? — деп сорады.

— Инанамыз, Эфендим! — деп джевап берди олар.

²⁹Иса оларнынъ козълерине тийип:

— Сизинъ иманынъызгъа коре олсун, — деди. ³⁰Сокъурларнынъ козълери ачылды. Иса исе оларгъа къатты сеснен тенбилеп:

— Буны ич кимсе бильмесин! — деди.

³¹Амма олар кетип, бутюн этрафларда Онынъ акъкъында хабер даркъаттылар.

³²Олар кеткен сонъ, Исанынъ алдына бир джин ургъан тильсизни кетирдилер. ³³Джин къувып чыкъарылгъан

сонъ, тильсиз лаф этип башлады. Адамлар исе шашып къалдылар.

— Исраильде бойле адисени даа корымеген эдик, — деди олар.

³⁴ Фериселер исе Онъя къаршы чыкъып:

— О, джинлерни джинлер башлыгъы къуветинен къувып чыкъара, — дедилер.

³⁵ Иса, эписи шеэр ве къасабаларда юрип, синагогаларда адамларны огретип, Алланынъ Падишалыгъы акъкъында Къуванчлы Хаберни даркъатты ве тюрлю хасталарны ве дертерни тедавийледи.

³⁶ Адам къалабалыгъыны корип, Иса оларны адждыды, чонки олар, чобансыз къойлар киби, шашкъын ве кучтэн кесильген эдилер. ³⁷ О вакъытта Иса Озъ шегиртлерине:

— Ашлыкъ чокъ, ишчилер исе аз. ³⁸ Озъ ашлыгъыны ораджакъ ишчилерни даа ёлласын деп, ашлыкъынъ Саибине ялваранъыз, — деди.



¹Иса Озюнинъ он
эки шегиртини янына
чагъырып, оларгъа
джинлернинъ устюндөн укуом этмеге
къудрет берди, буны, адамлардан
джинлерни къувып чыкъармакъ, чешит хасталыкълар-
ны ве дертерни тедавийлемек ичон япты.

10.1-4

Марк 3.13-19;
Лука 6.12-16.

²Бу он эки эльчининъ адлары шойле: биринджиси Пётр адынен белли олгъян Симон ве онынъ къардаши Андрей, сонъ Зебедайнынъ огъуллары Якъуп ве онынъ къардаши Юхан, ³Филип, Бартоломай, Тома, салым

топлайыджы Матта, Алфейнинъ оғълу Якъуп ве Фадда,

⁴ Ветанпервер Симон ве сонъундан Исағъа хайнлик яп-
къан Иуда Искариот.

⁵ Иса бу он экини ёллап, оларгъа бой-
ле насиат берди:

— Башкъа миллетлернинъ топракъ-
ларына барманьыз ве самариелилернинъ шеэрлерине
кирменьиэз. ⁶Лякин ёлunu джойгъан къойларгъа — Ис-
раиль халкъынынъ алдына барынъыз. ⁷Кетинъиз ве:
«Кок Падишалыгъы якъынлашты», — деп илин эти-
нъиз. ⁸Хасталарны тедавийленьиэз, олюлерни тирильти-
нъиз, лепра хасталыгъына оғърагъанларны эляллап те-
давийленьиэз, джинлерни къувып чыкъарынъыз. Бедава
алдынъыз — бедава беринъиз.

⁹Күшагъынъызгъа алтын, кумюш ве бакъыр ақъча
бile алманьыз. ¹⁰Елгъа не торба, не эки дане урба, не
аякъып ве таякъ биле алманьыз. Чалышкъан адам озы
отьмегини къазаныр. ¹¹Шеэр я да къасабагъа келип, о ер-
де ляйыкъ бир адам тапынъ ве шу ерден чыкъмагъандже
онынъ эвинде къалынъыз. ¹²Эвге киргенде, селям бери-
нъиз. ¹³Эгер о эв бунъя ляйыкъ олса, тилеген барышы-
гъынъыз анда кирсин, ляйыкъ олмаса исе, сизге къайтып
кељисин. ¹⁴Ким исе сизни къабул этмесе ве сёзлеринъизге
къулакъ асмаса, о эвден я да шеэрден чыкъып кетеят-
къанда аякъларынъыздан тозны биле къакъып кетинъиз.
¹⁵Сизге айтам: Ахирет кунюнде бойле шеэрнинъ алына
коре, Содом ве Гоморанынъ алы енгиль олур.

¹⁶ Мына, Мен сизлерни къашкъыр
сюрюсине къойлар киби ёллайым. Сиз
йыланлар киби ақъыллы ве гогерджинлер

10.5-15

Марк 6.7-13;
Лука 9.1-6.

10.16-25

Марк 13.9-13;
Лука 21.12-17.

киби саде олунь. ¹⁷ Инсанлардан сакът олунъыз, чонки сизлерни акъсакъаллар шурасында махкеме этеджеклер, синагогаларда къамчылайджакълар. ¹⁸ Меним адым ичюн сизни акимлер ве падишаларнынъ алдына алып бараджакълар, сиз исе олар ве Алланы бильмеген халкълар огунде Меним шаатларым оладжакъсыз.

¹⁹ Сизнен бу шейлерни япкъанларда не айтайым ве на-
сыл айтайым, деп къасевет этменъиз. Айтыладжакъ
сёзлеринъиз о вакъытта сизге белли оладжакъ. ²⁰ Чюнки
озълеринъиз дегиль, ичинъиздеки Бабанъызынъ Руху
айтаджакъ. ²¹ Агъасы — къардашыны, бабасы — огълу-
ны олюмге береджеклер. Балалар озъ ана-бабаларына
къаршы баш котерип, оларны ольдюреджеклер. ²² Ме-
ним адым ичюн, эписинде сизлерни кореджек козю ол-
маз. Лякин сонъунадже сабыр эткен адам къуртула-
джакъ. ²³ Эгер сизлерни бир шеэрде къувсалар, башкъа-
сына къачынъ. Сизге дөгърусыны айтам: сиз Исраиль-
нинъ эписи шеэрлерини айланып чыкъкъандже, Инсан
Огълу ер юзюне къайтып келеджек.

²⁴ Шегирт озюнинъ оджасындан юкъары олмаз,
хызметчи исе — озюнинъ эфендисинден. ²⁵ Шегирт озю-
нинъ оджасы киби, хызметчи эфендиси киби олсалар да,
eterлик.

Эгер эв саибини Беэльзебул адынен адландырсалар,
эв сакинleri акъкъында даа бетер сёзлер айтмазлармы?

²⁶ Амма олардан къоркъманъыз! Чюнки

10.26-31

Эр бир сакъландыргъан шей озъ вакъ-

Лука 12.2-7.

тында ачыладжакъ, ве эр бир сыр белли олур. ²⁷ Сизге
къаранлыкъта айткъанларымны ярыкъта айтынъыз.

Къулагъынъызгъа фысылдап айткъанларымны эвлернинъ

дамлары устюндөн илян этинъиз.²⁸ Беденини ольдюрип, джаныны исе ольдюрип оламагъанлардан къоркъманъыз. Амма джаныны да, беденини де джеэннемде гъайып этмеге кучю еткен Алладан къоркъунъыз.²⁹ Эки торгъай бир капикке сатылмаймы? Лякин Бабанъыз разы олмаса, оларнынъ бириси биле ерге тюшmez.³⁰ Сизлерде исе, башынъыздаки сачларынъыз эписи сайылгъан.³¹ Шунынъ ичюн къоркъманъыз, сизлер чоқъ торгъайдан паалысынъыз!³² Ким адамларнынъ алдында Мени таныса, Мен де Коклердеки Бабамнынъ алдында онда таныйджам.³³ Ким исе инсанлар алдында Менден вазгечесе, Мен де Коклердеки Бабамнынъ алдында ондан вазгечеджем.³⁴ Мени ер юзүне барышыкъ кетирмек ичюн кельген, деп тюшюнменъиз. Мен барышыкъ дегиль, къылыч кетирмек ичюн кельдим.

10.32-33

Лука 12.8-9.

³⁵ «Огълуны бабасындан, къызыны анасындан, келинни къайнанасындан»
айырмакъ ичюн кельдим.

10.34-39Лука 12.51-53;
14.26-27.

³⁶ «Адамгъа озь эвдекилери душман оладжакъ».

³⁷ Бабасыны я да анасыны Менден зияде севген Манъя ляйыкъ дегиль! Огълу я да къызыны Менден зияде севген, Манъя ляйыкъ дегиль!³⁸ Ким озь хачыны* алмаса ве Меним артымдан кетмесе, о Манъя ляйыкъ дегиль.³⁹ Озь джаныны къуртартмагъа истеген адам оны джояджакъ. Мен ичюн джаныны берген адам исе оны тападжакъ.

* **10.38** О вакъытларда адамларны хачкъа мыхлап джезалай эдилер. Адам озь хачыны джезаланаджакъ еринедже озю алыш бармагъа меджбур ола эди.

⁴⁰ Сизни къабул эткен адам Мени де къабул эте. Мени къабул эткен исе Мени

10.40-42

Марк 9.41.

Ёллагъаны къабул эте. ⁴¹ Ким пейгъамберни, о — пейгъамбер олгъаны ичон, къабул этсе, о, пейгъамбер киби, муяфатланаджакъ. Ким инсафлы адамны, о — инсафлы олгъаны ичон, къабул этсе, о, инсафлы адам киби, муяфатланаджакъ. ⁴² Ве ким, бу адий ве кучюк адамларның бирисине, о — Меним шегиртим олгъаны ичон, бир мешреbe сув берсе, сизге дөгърусыны айтам: о, муяфатсыз къалмаз.



¹ Иса он эки шегиртине бу эмирлерни берген сонъ, О, оларның шеэрлериnde адамларгъа огремек ве Алланның сёзюни анълатмакъ ичон, Озы ёлunu девам этти.

² Зинданда яткъан Ягъя исе, Месих-нинъ япкъан ишлери акъкъында эшитип, Озы шегиртлерини Онынъ алдына ёллады ве:

11.2-19

Лука 7.18-35.

³ — Келеджек Бириси Сенсинъми? Я да биз башкъасыны беклейикми? — деп Ондан соратты. ⁴ Иса джевап берип оларгъа:

— Барынъыз, сиз эшиткен ве корыген шейлерни Ягъягъа хабер этинъиз. ⁵ Кёрлар корелер, топаллар юрелер, лепра хасталыгъына огърагъанлар элялланып тедавийленелер, сагъырлар эшителер, олюлер тирилелер ве фукъарелер Къуванчлы Хаберни эшителер. ⁶ Мен ичон ёлдан урулмагъан адам баҳтлыдыр! — деди.

⁷ Ягъяның шегиртлери кетеяткъанда, Иса адамларгъа Ягъя акъкъында айттып башилады:

— Сиз не ичюн сахрагъя бардынъыз? Ельде саллангъан къамышны корымегеми?⁸ Айса, не ичюн сахрагъя бардынъыз? Паалы урба кийген адамны корымегеми? Амма паалы урба кийгенлер падишалар сарайларында яшайлар!⁹ Айса, кимни корымеге бардынъыз? Пейгъамберними? Эбет, пейгъамберни! Сизге Мен айтам: о, пейгъамберден де буюк.

¹⁰ Алланынъ Китабында бу адам акъкъында язылгъян эди:

«Мен Сенден эвель хаберджимни ёллайым.

О Сенинъ огюнъде ёл азырлайджакъ».

¹¹ Сизге дөгърусыны айтам: эписи анадан дөгъгъян адамлар арасында Сувгъя Батырыджы Ягъядан буюги пейда олмагъан. Бунъя бакъмадан, Кок Падишалыгъында энъ кучюк сайылгъан биле ондан буюктир.

¹² Сувгъя Батырыджы Ягъя пейда олгъан куньлерден башлап шимдигедже адамлар Кок Падишалыгъына къаршы курешип келелер ве зорлайыджылар. Оны басып алмагъа тырышалар.¹³ Ягъядан эвельки пейгъамберлер ве Къанун да Кок Падишалыгъы акъкъында айткъанлар.¹⁴ Эгер бильмеге истесенъиз, къайтып келеджек Ильяс — бу Ягъянынъ озюдир.¹⁵ Къулагъы барлар буны эшитсинлер!

¹⁶ Бу заманнынъ адамларыны кимге ошатайым?
Олар, мейданда отурып, бир-бирине:¹⁷ «Биз сизге къавал чалдыкъ, сиз ойнамадынъыз!», «Биз такъмакълар окъудыкъ, сиз исе агъламадынъыз», — деп къычыргъан балаларгъа ошайлар.

¹⁸ Ягъя келип, ашамады-ичмеди, ве: «Онда джин яшай», — дейлер.¹⁹ Инсан Огълу келип, эм ашай, эм

иче, ве олар: «Бу ачкозь ве ичкиджиге бакъынъыз! О – салым топлайыджылары ве гуналыларның досту!» – дейлер. Лякин икмет озь ишлеринен тасдыкъланады.

²⁰ Сонъ Иса базы шеэрлерниң са-
кинлерини къабаатлады, чонки адтайип
шайлерниң чокъусы анда япылгъан олса да, олар гуна-
ларына төвбе этмедилер.

11.20-24
Лука 10.13-15.

²¹ – Сенинъ алынъ беля, эй Хоразин! Сенинъ алынъ беля, эй Бетсайд! Чонки сизлерде олгъан адтайип шайлер Тир ве Сидон шеэрлеринде олгъан олса, олар чокътан чувал токъумасына сарылып, устьлерине куль сепип, төвбе эттер эдилер. ²² Шунынъ ичюн, сизлерге айтам: Ахирет кунюнде Тир ве Сидоннынъ алы сизинъкиден енгильдже оладжакъ. ²³ Сен де, Кафарнаум, сен кокке юкселирсинъми? Ёкъ! Сен олюлер дюнъясына тюшип кетерсинъ! Чонки сенде олгъан адтайип шайлер Содомда олгъан олса, о ер шу куньгедже сакъланып къалыр эди. ²⁴ Шунынъ ичюн, сизлерге айтам: Ахирет кунюнде Содомнынъ алы сенден енгильдже олур.

²⁵ О вакъытта Иса сёзюни девам этти:
– Бабам, кок ве ернинъ Раббиси!
Шуретлейим Сени, чонки Сен шуны ақъыллылар ве бильгилилер ичюн гизли эттинъ, кучук балаларгъа исе ачтыны! ²⁶ Эбет, Бабам, Сенинъ эйи ираденъ шойле эди!
²⁷ Бабам Манъя эр шейни берди. Бабадан башкъа кимсе Огълуны бильмей. Огълундан башкъа эм де Огълу ачмагъа истеген адамдан гъайры кимсе Бабаны бильмей.
²⁸ Агъыр юк тюбюнде къыйналгъан ве болдургъанлар!
Меним яныма келинъиз – Мен сизге раатлыкъ беририм. ²⁹ Мен буюргъан шайлерни бойнунъызгъа алыш,

11.25-30
Лука 10.21-22.

Манъя бойсунынъыз ве Менден огренинъиз, чонки Мен йымшакъ ве алчакъгонъюллим. Бойледже, джанларынъыз раат олур.³⁰ Меним сизге берген эмирлерими ни беджермек къолай ве Меним сизге берген юкюм — енгиль!



¹Бир раатлыкъ куню
Иса богъдай тарласындан кечип кетеяткъан.
Онынъ шегиртлери ач олып, богъдай башакъларыны къопарып ашамагъя башладылар.² Фериселер буны корип, Исағъя:

— Бакъ, Сенинъ шегиртлеринъ раатлыкъ кунюнде япмагъя мумкцион олмагъян шейни япалар! — дедилер.

³ — Я сиз Давут озю ве онынъ адамлары ач къалгъанда, не япкъанлары акъкъында окъумадынъызмы?³ — деди оларгъя Иса.⁴ — Давут, Алланынъ Эвине кирип, озю ве янындакилери, тек руханийлерге ашамагъя мумкцион олгъян теклиф пителерини ашагъанлар.⁵ Я да Алланынъ Сарайында руханийлер раатлыкъ кунюни бозсалар да, гуналы сайылмагъанлары акъкъында Мусанынъ Къанунында окъумадынъызмы?⁶ Мен сизлерге айтам: бу ерде Алланынъ Сарайындан да буюк Адам бар.⁷ Эгер сизлер «Мен къурбан дегиль, мерамет истейим» деген сөзлернинъ манасыны бильген олсанъыз, сиз къабатсыз адамларны къабаатламаз эдинъиз.⁸ Чонки И nsan Огълу — раатлыкъ кунюнинъ Рabbисидир.

⁹ Иса о ерден кетип, оларнынъ синаагасына кельди.¹⁰ Анда къолу сакъатланып къуругъян бир адам бар эди. Исадан:

12.1-8

Марк 2.23-28;
Лука 6.1-5.

12.9-14

Марк 3.1-6;
Лука 6.6-11.

— Къанунгъа коре, раатлыкъ куню хастаны теда-
вийлемек мумкционми?⁹ — деп сорадылар. Керчектен исе
олар Оны къабаатламакъ ичюн бир себеп къызыра
эдилер.

¹¹Иса оларгъа:

— Тасавур этинъиз: сизде бир къой бар ве о, раатлыкъ
куню къуюгъа тюшип кете. Аранъызда оны барып тар-
тып чыкъармагъян адам тапылымы?¹⁰ — деди. ¹²Инсан
исе къойдан не къадар чокъ къыйметлидир! Шунынъ
ичюн, къанун боюнчыла раатлыкъ кунюнде яхшылыкъ
япмакъ мумкцион.

¹³Сонъ Иса о адамгъа:

— Къолунъны узат! — деди. О, сакъат къолуны
узаткъанынен, къуругъан къолу экинджи къолу киби
сагълам олды. ¹⁴Фериселер исе кетип топлаштылар ве
Исаны насыл этип ольдюрмеге акъыл таныштылар.

¹⁵Иса буны билип, о ерден кетти. Онынъ пешинден
чокъ адам юре эди. О эпизини тедавийледи, ¹⁶амма
Озю акъкъында кимсеге бир шей айтмагъя ясакъ этти.

¹⁷Шунынънен Ешая пейгъамбер аркъалы айтылгъян
сөйлер мейдангъа кельди:

¹⁸ «Мына — Мен сайлагъан Къулум,
севгилим ве джанымнынъ чырагъы!
Мен Озъ Рухумны Онъа береджем,
О исе адалетликни эписи халкъларгъа
илян этеджек.

¹⁹ Давалашмаз О ве къычырмаз,
кимсе Онынъ сесини эшиитмейдженек.

²⁰ Адалетликни гъалебеге кетирмегендже,
къопармаз О чатлакъ къамышыны,

сёндюрмез *О тютеп турған фитильни.*

²¹ *Халкълар Онынъ адынен умут багълар».*

²² Шундан соңь Исанынъ алдына бир адамны кетириодилер. О кёргөн сағъыр тильсиз эди, чюнки оны джин ургъан. Иса оны тедавийледи, ве шу адам лаф этмеге ве корымеге башлады. ²³ Буны корыген адамлар шашып къалдылар. Олар бир-бирине:

12.22-32

Марк 3.20-30;

Лука 11.14-23; 12.10.

— Бу — Давутнынъ Огълу дегильми? — дедилер.
²⁴ Фериселер исе, буны эшитип:
 — О, тек джинлернинъ башлыгъы Беэльзебул-
 нынъ къуветинен джинлерни къувып чыкъара, — дедилер.

²⁵ Оларнынъ фикирлерини билип, Иса деди:

— Озын ичинден болюнген эр бир падишалыкъ йы-
 къылып бошар. Озын ичинде болюнген эр бир шеэр я да
 эв аякъта туралмаз. ²⁶ Эгер Иблис Иблисни къувып чы-
 къарса, о болюнип озын озюнен дженклеше. Соңь онынъ
 падишалыгъы насыл тураджакъ?

²⁷ Эгер Мен джинлерни Беэльзебулнынъ кучонен
 къувсам, сизлернинъ огъулларынъыз оларны кимнинъ
 кучонен къувып чыкъаралар? Шунынъ ичюн, озылери
 сизлерни укум этеджеклер. ²⁸ Эгер Мен Алланынъ Ру-
 хунен джинлерни къувып чыкъарсам, демек, Алланынъ
 Падишалыгъы сизлерге етип кельген. ²⁹ Эвнинъ саиби
 кучълю бир адам олса, онынъ эвине хырсызы насыл тю-
 шеджек? Амма башта кучълю адамны багъласа, бутюн
 мал-мулькюни хырсызлап кетер.

³⁰ Ким Меннен берабер олмаса, Манъя къаршы олур.
 Ким Меннен берабер джыйимаса, о дагъыта. ³¹ Шунынъ

ичион сизлерге айтам: инсанларның эр бир гунасы ве куфюр сёзлери биле багъышланып. Лякин Мукъаддес Рухкъа къаршы айтылгъан куфюр сёзлер багъышланмаз.³² Ким Инсан Огълуна къаршы сёз айтса, багъышланып. Лякин Мукъаддес Рухкъа къаршы сёз айтса — не бу дюньяда, не келеджек дюньяда багъышланмай-джакъ.

³³ Эр бир терек озь мейвасындан та-
нылып. О вакъытта терекни ве мейвасы-
ны яхши я да ярамай, деп сайынъыз.³⁴ Эй, йыланлар
сойлары! Сиз яман олып, яхши сёзлерни насыл айтып
олурсынъыз?³⁵ Адамның юргинде не олса, тили оны
айта!³⁶ Яхши адам яхшылыкъ хазинесинден яхшылыкъ
чыкъара. Яман адам озюнинъ яманлыкъ хазинесинден
яманлыкъ чыкъара.³⁶ Мен сизге шуны айтам: Ахирет
кунду инсанлар агъызларындан чыкъынан эр бир бош
сёз ичион джевап береджеклер.³⁷ Сёзлеринъиз иле сизни
акълайджакълар я да къабаатлайджакълар.

³⁸ О вакъытта бир къач Къанун оджа-
сы ве ферисе Исағъа:

— Оджа, бизге бир бельги косътерге-
нинъни истеймиз, — дедилер.

³⁹ Иса оларгъа джевап берип, шойле деди:

— Ярамай ве ороспу несиль бельги къыдыра, лякин
Юнус пейгъамбердинъ бельгисинден гъайры оларгъа
бельги берильмейдже.⁴⁰ Юнус учь кунь ве учь гедже
буюк балыкъының къурсагъы ичинде олгъаны киби,
Инсан Огълу да шойле учь кунь ве учь гедже топракъ-
ның юргинде оладжакъ.⁴¹ Ниневе шеэринде яшагъан-
лар Ахирет кунюнде бу несильнен берабер котерилип,

12.33-37

Лука 6.43-45.

12.38-42

Марк 8.11-12;

Лука 11.29-32.

оны къабаатлайджакълар. Чюнки олар Юнусының ог-реткенини эшитип, төвбе эттилер. Мында исе Юнустан буюкчеси бар! ⁴² Дженюп къыраличеси Ахирет кунюнде бу несильнен берабер котерилип, оны къабаатлар. Чюнки о, Сулейманнынъ икметли лафларыны динълемек ичюн дюньянынъ о бир четинден кельген эди. Мында исе, Сулеймандан буюкче Сою бар!

⁴³ Арам рух инсандан чыкъкъан сонъ, сувсуз ерлерде быралкъыланып юре, озюне раатланмагъа ер къыдыра, амма тапалмай. ⁴⁴ Сонъ озюне: «Мен чыкъкъан эвиме къайтып барайым да», — дей. Къайтып кельгенде исе, эвини бош, сипирильген ве джыйыштырылгъан алда тата. ⁴⁵ О вакъыт джин бара да, озюнинъ янына башкъа, даа бетер еди джинни ала ве оларнен эвге кирип ерлеше. Сонъра, о адамнынъ алы эвелькиндөн бетер ола. Бу ярамай несильнинъ алы да шойле оладжакъ.

⁴⁶ Иса адамларнен субетлешип тургъан вакъытта, Онынъ анасынен къардашлары эвнинъ огүнде, тышта тура эдилер: олар Исанен лаф этмеге истегенлер. ⁴⁷ Кимдир Исағъа:

— Анда, тышарыда ананънен къардашларынъ, Сен-нен лаф этмеге истеййлер, — деди.

⁴⁸ Иса буны айткъан адамгъа джевап берип:

- Меним анам ким? Къардашларым ким? — деди
- ⁴⁹ ве къолунен шегиртлерини косьтерип:

 - Мына, Меним анам ве къардашларым! — деди.
 - ⁵⁰ — Ким Коклердеки Бабамнынъ ирадесини беджерсе, о Меним къардашым, къызы къардашым ве анамдыр.

12.43-45

Лука 11.24-26.

12.46-50

Марк 3.31-35;
Лука 8.19-21.



¹Шу куню Иса, эвден чыкъып, голь янында отурды. ²Онынъ эт-рафында баягъы адам топланды. Иса къайыкъка чыкъып отурмагъа медж-бур олды, бутюн халкъ исе ялыда турды. ³Иса оларгъа чокъ шейлер акъкъында кинаели икяелер айтты:

— Бир урлукъ сачыджы тарлагъа чыкъа. ⁴О, урлукъ сачкъанда, базы урлукълар ёл кенарына тюше. Шу арада къушлар учып келелер де, урлукъларны чокъуп, ёкъ этелер. ⁵Башкъа урлукълар ташлы, топракъ аз олгъан ерге тюше ве тезден осип чыкъалар, чонки топракъ бу ерде юфкъа экен. ⁶Кунеш чыкъкан соң исе, оларны якъа ве яхшы тамыр атмагъанларындан, фиданлар къурып къалалар.

⁷Башкъалары тикенлер арасына тюше, тикенлер тез осип урлукъларны богъып ташлайлар.

⁸Даа башкъа урлукълар исе яхшы топракъкъа тюшип, бир урлукъ — юз къат, башкъасы — алтыш ве даа башкъасы — отуз къат арткъач берекет берелер.

⁹Къулагъы барлар буны эшитсинлер!

¹⁰Шегиртлер, Онынъ янына келип:

— Сен не ичюн оларнен кинаели икяелер айттып лаф этесинъ? — деп сорадылар.

¹¹О, оларгъа джевап берип:

— Чонки Кок Падишалыгъынынъ сырлары сизге ачылгъан, оларгъа исе къапалы, — деди. ¹²— Кимде бар олса, онъя даа бериледжек, ве онда арткъач оладжакъ. Кимде ёкъ олса, олгъаны да тутып алынаджакъ. ¹³Оларнен кинаели икяелер ярдымынен лаф этем, чонки олар

13.1-9

Марк 4.1-9;
Лука 8.4-8.

13.10-17

Марк 4.10-12;
Лука 8.9-10.

бакъа ве корьмейлер, динълей ве эшитмейлер, ве анъламайлар.¹⁴ Ешаяның пейгъамберлиги оларда эда этиле:

«Къулакъларынъизнен динълейджексиз,
амма анъламайджакъсыз,
козълеринъизнен бакъаджакъсыз,
амма корип оламайджакъсыз.

¹⁵ Бу халкъының юргеги бир шей анълап оламай,
къулакълары агъыр эшиите,
оларның козълери де юмулгъан.

Бойледже, олар козълеринен корьмезлер,
къулакъларынен эшитмезлер,
акъылларынен анъламазлар.

О бизлерни тедавийлер, деп
Манъа кельмезлер».

¹⁶ Сизинъ козълеринъиз баҳтлы, чонки олар корелер.
Къулакъларынъыз да баҳтлы, чонки эшителер.

¹⁷ Сизге дөгърусыны айтам: чокъ пейгъамберлер ве
инсафлы адамлар сиз корьгенинъизни корьмеге истеди-
лер, лякин корьмединер, сиз эшиткенлеринъизни эшит-
меге истедилер, лякин эшитмединер.

¹⁸ Энди урлукъ сачылды акъкъында
кинаели икяенинъ манасыны динъленъиз.

¹⁹ Алланың Падишалыгъы акъкъында
сёзни эшиткен, амма оны анъламагъан эр бир адамгъа
яман Иблис келип, оның юргинде сачылгъан сёзни-
урлукъларны хырсызлаг кете. Бойле адамлар тюшкен ур-
лукъны алгъан ёл кенарындаки топракъкъа ошайлар.

²⁰ Урлукъ сачылгъан ташлы топракъ исе — сёзни эшитер-
эшитмез къуванчинен къабул эткен сою. ²¹О, де бир шейге,
де башкъа шейге дикъкъат этип, урлукъкъа озюнде тамыр

13.18-23

Марк 4.13-20;
Лука 8.11-15.

атмагъа бермей. Онынъ башына шу сёз ичюн къаза-беля кельсе ве оны къуваласалар, о бирден ёлундан къайта.

²² Башкъалары исе, урлукъны алгъан, тикенли топракъ киби: олар сёзни эшителер, амма аят къасеветлери ве зенинликнен алданув сёзни басып богъя, ве урлукъ берекет бермей. ²³ Урлукъны алгъан яхши топракъ исе сёзни эшиткен, онынъ манасына еткен адамларгъа ошай. Олардан базы адамлар — юз къат, башкъалары — алтмыш къат ве даа дигерлери — отуз къат зияде берекет берелер.

²⁴ Иса оларгъа даа бир кинаели икяе айтты:

— Кок Падишалыгъы неге ошай? Бир адам тарласына яхши урлукъ сачкъян. ²⁵ Гедже, эписи ятып юкълагъанда, онынъ душманы келип, богъдай арасына зеэрли отларны сачып кете. ²⁶ Богъдай осип, башакъ чыкъаргъанда, зеэрли отлар да пейда олалар. ²⁷ Къуллары келип, эфендисинден: «Эфендимиз, сен тарланъя яхши урлукъ сачкъян единъ де. Айса бу зеэрли отлар къайдан келип чыкъ-къян?» — деп сорадылар. ²⁸ «Бу — душманнынъ ишиди», — деди о. «Истесенъ, биз барып оларны тартып чыкъа-рармыз», — деди къуллар. ²⁹ «Керекмей, чонки сизлер зеэрли отларны ёкъ эткенде, оларнен берабер богъдайны да бозарсыз. ³⁰ Оракъ вакъты кельгендже оларны тийменъиз, берабер осе берсингилер. Оракъ вакъты кельгенде, мен оракъчыларгъа: “Башта зеэрли отларны джыйынъыз ве обалап багъланъыз да, якъынъыз. Богъдайны исе менним анбарыма алып барынъыз”, — дейдженем».

³¹ Иса оларгъа даа бир кинаели икяе айттып берди:

— Кок Падишалыгъы бир хардал урлугъына ошай. Адам оны алып, озы тарласына сачкъян.

13.31-33

Марк 4.30-32;
Лука 13.18-21.

³² Эписи урлукълардан кичкене олса да, осип чыкъкъан сонъ, бостандаки осюмликлер арасында энъ юксек ола. Терек киби осъкен сонъ, къушлар учып келип, онынъ пытакъларында юва ясайлар.

³³ Сонъ Иса оларгъа даа бир кинаели икяе айтты:

— Кок Падишалыгъты бир къашыкъ маягъа ошай. Къадын оны алыш, учь буюк чанакъ* унгъа ташлай ве бутюн хамырыны къабарта.

³⁴ Иса буларнынъ эписини адамларгъа кинаели икяелернен ачып анълатты. О 13.34-35
оларгъа эр шейни кинаели икяелернен айта эди, ³⁵ чонки пейгъамбер ярдымынен айттылгъан сёз беджериледжек эди:

*«Мен оларнен кинаели икяелер ярдымынен
лаф этеджем,
дюнья яратылгъандан берли
гиэли сырларны
Мен оларгъа анълатаджам».*

³⁶ Шундан сонъ Иса, адамларны йиберип, эвге къайтты. Шегиртлери Онынъ алдына барып:
— Тарладаки зеэрли отлар акъкъында кинаели икяени бизлерге анълатып берсе, — дедилер.

³⁷ Иса оларгъа джевап берип:
— Яхши урлукъны сачкъан — Инсан Огълудыр.
³⁸ Тарла исе — дюнья. Яхши урлукълар — Алла Падишалыгъынъ огъуллары, зеэрли отлар исе — яман Иблиснинъ огъулларыдыр. ³⁹ Оларны сачкъан — Иблистир. Оракъ вакъты — дюньянынъ сонъу, оракъчылар

13.34-35
Марк 4.33-34.

* **13.33** Учь буюк чанакъ — къадимий юнанджа «учь сатон». Бир сатон — къаарнен 12 литр.

исе — мелеклер.⁴⁰ Зеәрли отларны насыл джыйып атеште якъсалар, бу дюньяның сонъунда да шойле оладжакъ.⁴¹ Инсан Огълу Озъ мелеклерини ёллай-джакъ, ве олар гунағъа себеп олгъан ве яманлықъ япып юргенлерни Оның Падишалыгъындан сайлап алыш,⁴² алевленип тургъан оджакъкъа ташлайджакълар. О ерде агълав ве тиш гъылджыртысы оладжакъ.

⁴³ О вакъытта инсафлы адамлар озъ Бабаларының Падишалыгъында кунеш киби парылдайджакълар. Къулагъы барлар буны эшитсина!

⁴⁴ — Кок Падишалыгъы тарлада сакълангъан хазинеге ошай. Бир адам оны тапып, кене сакълай ве къувана-къувана барып, бутюн мал-мулькюни сата да, шутарланы ала.

⁴⁵ Кок Падишалыгъы даа неге ошай? О бунъя ошай: бир алыш-веришинен оғърашкъан адам яхши инджилер къыдыра.⁴⁶ Бир къыйметли индженни тапкъанда, о барып бутюн мал-мулькюни сатып, оны ала.

⁴⁷ Кок Падишалыгъы даа деньизге атылгъан балыкъ сачмасына ошай. О чешит тюрлю балыкъларны тута.

⁴⁸ Сачма балыкъкъа толгъан сонъ, оны ялыгъа тартып чыкъардылар ве отурып, яхши балыкъларны сайлап, сепетлерге къоялар, ярамай сойларыны исе котерип атала.⁴⁹

⁴⁹ Дюньяның сонъунда да ойле оладжакъ: мелеклер чыкъып, яман адамларны инсафлы адамларның арасындан айырып,⁵⁰ оларны алевленип тургъан оджакъкъа ташлайджакълар. О ерде агълавлар ве тиш гъылджыртысы оладжакъ.⁵¹ Буларның эписини анъладынъызмы?

— деп сорады Иса.

— Эбет, — деди олар.

⁵² Иса оларгъа:

— Демек, Кок Падишалыгъы акъкъында огretювни къабул эткен эр бир Къанун оджасы, озъ хазинесинден янъы ве эски шейлерни чыкъаргъан эв саибине ошай, — деди.

⁵³ Иса бу кинаели икялерни айткъан соңъ, о ерден кетти. ⁵⁴ Озюнинъ юртуна келип, ерли халкънынъ синагогасында ограте башлады. Оны динълегенлер шашып къала эдилер.

13.53-58
Марк 6.1-6;
Лука 4.16-30.

— О къадар акъыл ве къудрет Онъа къайдан кельген³ — дей эди олар. ⁵⁵ — Дюльгернинъ огълу дегильми? О? Анасынынъ ады Мерьем, къардашлары исе Якъуп, Юсуф*, Симон ве Иуда дегильми? ⁵⁶ Онынъ эписи къыз къардашлары мында, бизим янымызда яшамайлармы?

⁵⁷ Шунынъ ичюн олар Оны ред эттилер. Иса исе оларгъа:

— Пейгъамберге эр ерде урьмет этелер, тек озъ ветанында ве озъ эвинде Онынъ къадрине етмейлер, — деди.

⁵⁸ Оларнынъ иманы олмагъаны ичюн, о ерде О чокъаджайип шейлер япмады.



¹Шу вакъытта виляет укюмдары Ирод** Иса акъкъында эшитип, ² озюнинъ хызметчилерине:

14.1-12
Марк 6.14-29;
Лука 9.7-9.

* 13.55 Юсуф — базы эльязмаларда «Йосе» ве «Юхан» адларынен косътериле.

** 14.1 Ирод — Ирод Антипа, «Буюк Ирод»нынъ огълу.

— Бу — Сувгъя Батырыджы Ягъядыр! О, олюлерден къайтып тирильген! Шунынъ ичюн онда аджайип шейлер япмагъя кучю бар, — деди.

³⁻⁴ Мына бу Ирод, озы къардашы Филиппинъ сабыкъ апайы Иродияны озюнинъ апайы этип алгъан эди. Сонъ Ягъя онъя: «Къанун боюнчада санъя бу къадынны апай этип алмагъя олмай», — дей эди. Шунынъ ичюн Ирод, Ягъяны якъалап, элини-аягъыны зынджаңылар-нен багълап, зиндангъя аткъан эди. ⁵ Ирод Ягъяны ольдюрмеге истеди, амма халкътан къоркъа эди, чонки олар Ягъяны пейгъамбер, деп сая эдилер.

⁶ Ироднынъ догъгъан кунюне багъышлангъан зияфетте Иродиянынъ къызы мусафирлер огюне чыкъып ойнады. Падиша онынъ ойнагъаныны пек бегенип, ⁷ о не истесе бермеге азыр олгъанына ант этти.

⁸ Къыз исе анасы огretкени киби: «Манъя мында Сувгъя Батырыджы Ягъянынъ башыны табакъта кетирип бер!» — деди.

⁹ Падишаны къайгъы басса да, мусафирлер огюнде ант эткени ичюн, башны кетирсинглер, деп эмир этти.

¹⁰ Джеллятны йиберип, Ягъянынъ башыны алдырды. ¹¹ Онынъ башыны табакъта кетирип, къызгъа бердилер, о исе анасына алып барды. ¹² Ягъянынъ шегиртлери келип, онынъ беденини алып дефн эттилер. Сонъ барып, бу акъта Исагъя хабер бердилер.

¹³ Иса буны бильгенинен, бир Озю къайыкъя къайыкъя чыкъып, андан, адам олмагъан бир ерге кетти. Амма адамлар бу акъта бильдилер, озы шеэрлеринден

14.13-21

Марк 6.30-44;
Лука 9.10-17;
Юхан 6.1-14.

чыкъып, Онынъ артындан джаяв кеттилер.¹⁴ Иса къа-йыкътан тюшип, чокъ адамларны корьди. О адамларны аджыды ве оларнынъ арасында олгъан хаста адамларны тедавийледи.

¹⁵ Акъшам тюшкенинен, шегиртлери Онынъ янына келип:

— Бу ерде адамлар яшамай э肯, энди кеч олды. Адамларны йибер, этрафтаки койлерге барып, озылери-не аш сатын алсынлар, — дедилер.¹⁶ Лякин Иса:

— Олар кетмесе де олур, сизлер оларгъа аш бери-нъиз, — деди.

¹⁷ — Бу ерде бизде тек беш отьмек ве эки балыгъы-мыз бар, башкъя бир шей ёкъ, — дедилер Онъя.

¹⁸ — Оларны бу ерге, Манъя кетириңгъиз, — деди Иса.

¹⁹ Сонъ О адамларгъа от устюне отурмакъны буюрды. Беш отьмекнен эки балыкъны алды, козълерини коклерге котерип шукюр этти. Отьмеклерни больди ве шегиртле-рине берди, олар исе адамларгъа даркъаттылар.²⁰ Эр кес ашап тойдьы. Даа артып къалгъан отьмеклерни парча-ларыны толу он эки сепет джыйдымылар.²¹ Ашагъанлар исе къадынлар ве балалардан гъайры беш бинъ адам эди.

²² Бундан сонъ, Иса шегиртлерине, тез-тез къайыкъкъя отурып, гольнинъ къаршы ялысына Ондан эвель кечмеге буюрды. Озю исе адамларны йибереджек эди.²³ Адамларны йиберген сонъ, бир Озю дува окъумакъ ичюн дагъгъа чыкъты. Акъшам олгъанда, о ерде ялынъыз Озю эди.²⁴ Къайыкъ исе ялыдан узакъта олып, далгъа-ларнен қуреше эди, чюнки ель къайыкъка къаршы эсे эди.²⁵ Танъ атмаздан эвель Иса шегиртлери тарафына

14.22-33 Марк 6.45-52; Юхан 6.15-21.

ёл алды. О голь устюнден юрип кетти.²⁶ Олар исе
Онынъ голь устюнден юрип келеяткъаныны корип, пек
къоркътылар.

— Бу — бир хаялеттир! — деп, къоркъканларындан
къычырылар.

²⁷Лякин Иса шу ань оларнен лаф этип башлады:

— Джесюр олунъыз! Бу — Меним! Къоркъма-
нъыз! — деди.

²⁸О вакъытта Пётр:

— Я Раббим, эгер бу Сен олсанъ, манъа буюр, мен сув
устюнде юрип Сенинъ янынъа барайым! — деди. ²⁹Иса:
— Кель! — деди.

Пётр къайыкътан чыкъып, сув устюнден Исағъа
таба кетти.

³⁰Лякин ельнинъ кучюни сезип, къоркъты ве бата
башлады.

— Я Раббим, мени къуртар! — деп багъырды.

³¹Иса шу ань къолуны узатып, оны тутты да:

— Эй, иманы аз олгъан, сен не ичюн шубелен-
динъ? — деди.

³²Олар къайыкъка отургъанларынен, ель тынды.

³³Къайыкътаки шегиртлер исе Исағъа бель букип:

— Керчектен де Сен — Алланынъ Огълусынъ! —
дедилер.

³⁴Гольни кечип, олар Геннесаретте
ялыгъа этип кельдилер. ³⁵О ернинъ

14.34-36

Марк 6.53-56.

адамлары Исаны таныдилар. Бутюн этрафларгъа хабер
ёллап, эписи хасталарны Онынъ алдына кетирдилер.

³⁶Тек урбасынынъ этегине тиймек ичюн Ондан рухсет
сорай эдилер, тийгенлер исе эписи тедавийлендилер.



¹О вакъытта Еруса-
лимден Къанун оджа-
лары ве фериселер, Исаңынъ алдына
келип, суаль бердилер:

²— Сенинъ шегиртлеринъ баба-де-
делеримизниң урф-адетлерини не ичюн бозалар? Аш
ашамаздан эвель къолларыны ювмайлар...

³Иса оларгъа джевап берип:

— Я сизлер озъ урф-адетинъиз ичюн Алланынъ
эмиирини не ичюн бозасыз? — деди. ⁴— Алла: «Ана-ба-
банъны урьмет эт» ве «Бабасыны я да анасыны
къаргъагъан адам ольдюрильсин», — деди. ⁵Амма сиз:
«Ким бабасына я да анасына: “Меним санъя береджек
олгъан ярдыым Аллагъа багъышлана”, — десе, ⁶о ба-
басыны я да анасыны урьмет этмесе де олур», — дейсиз.
Шунынънен, сиз озюньиизниң урф-адетинъиз ичюн
Алланынъ эмирини ред этесиз. ⁷Эй, экиозълюлер! Си-
зинъ акъкъынъызда айткъан Ешая пейгъамберниң
сөзлери яхши:

⁸ «Бу халкъ Мени тек тильнен урьмет эте,
юреклери исе Менден пек узакъ.

⁹ Бшуна Манъа табына олар,
инсан эмирлерини берип огремелер».

¹⁰ Сонъ Иса халкъны янына чагъырып, оларгъа:
— Мени динълеп, анъламагъа тырышынъыз!

¹¹ Агъызгъа кирген шей дегиль, агъзындан чыкъкъан
шеш исе инсанни арам эте, — деди.

¹² О вакъытта шегиртлери Онынъ янына келип:
— Фериселер бу сөзлеринъни эшитип, пек ачувлан-
гъянларыны билесинъми? — дедилер.

15.1-20
Марк 7.1-23.

¹³Иса оларгъа джевап берип:

— Меним Бабам сачмагъан эр бир осюмлик тюбютамырынен сувурылып ташланаджакъ. ¹⁴Оларны къалдырынтызы! Олар — сокъурларның көр етекчилеридир. Эгер сокъур сокъурны етеклеп юрсе, олар экиси де чукъургъа тюшип кетерлер, — деди.

¹⁵Пётр Онъя:

— Бизге бу кинаели икяени анълатып бер! — деди. ¹⁶Иса:

— Сизлер де ойле акъылсызларсынтызымы?

¹⁷Агъызгъа кирген эр бир шей ашкъазангъа кечип, аякъёлгъа чыкъып кеткенини даа анъламадынтызымы?

¹⁸Амма агъыздан чыкъкъан шейлер юректен чыкъалар. Булар да адамны арам этeler. ¹⁹Чюнки адамның юргинде яман фикирлер, адам ольдюрюви, аиле садыкълыгъыны бозувы, ороспулыкъ, хырсызлыкъ, ялан шаатлыкъ, куфюр сөзлер дөгъып, ондан чыкъалар. ²⁰Мына бу шейлер адамны арам эте. Кирли къолларнен аш ашамакъ исе, адамны арам этмей, — деди.

²¹Иса о ерден чыкъып, Тир ве Сидон юртларына кетти. ²²Анда Онынъ алдына, шу ерлерде яшагъан бир ханаанлы къадын кельди.

— Эфендим, Давутның Огълу, мени аджы! Къызынмы джин урды, ве пек къыйнай, — деп къычырды.

²³Лякин Иса онъя бир сөз биле къайтармады. Шегиртleri келип:

— Айтса онъя, кетсин! Артымыздан къычырып юре, — деп Исағъа риджа әттилер. ²⁴Иса:

— Мен тек Исраиль халкъының адашкъан къойла-рына йиберильген эдим, — деди.

15.21-28

Марк 7.24-30.

²⁵ Амма къадын якъынджа келип, Исаның алдында озюни ерге ташлады ве:

— Эфендим, манъя ярдым эт! — деди.

²⁶ — Балалардан отьmekни алыш, копеклерге ташламакъ яхшы дегиль, — деди Иса.

²⁷ — Эбет, Эфендим, амма копеклер де эфендиcининъ софрасындан тюшкен отьmek уфакъларыны ашайлар! — деди къадын. Соң Иса:

²⁸ — Эй къадын, сенинъ иманың буюк! Истегенинъ олсун! — деди.

Къадынның къызы шу ань тедавийленди.

²⁹ Иса о ерден кетти ве, Озы ёлуны Галилея голю боюнда девам этип, андаки бир дагъгъа чыкъты ве отурды. ³⁰ Онынъ янына пек чокъ адам топланды. Олар озылеринен топал, көр, сакъат, сагъыр тильсиз ве чокътан-чокъ башкъа хасталарны алыш келип, Исаның аякълары алдына къойдylар. Иса исе оларны тедавийледи. ³¹ Тильсизлер лаф эткенлерини, сакъатлар сагълам олгъанларыны, топаллар юргенлерини, көрларның козълери ачылгъаныны корип, халкъ шашып къалды ве Исраильнинъ Алласыны алгъышлады.

³² Иса, шегиртлерини янына чагъырып, оларгъа:

15.32-39

Марк 8.1-10.

— Халкъны аджыйым, чонки учь кунь Меним алдымда туралар, ашамагъа исе ич бир шейлери ёкъ. Мен оларны ач къалдырып йибермеге истемейим, даа ёлда олар такъаттан кесильмесинлер, — деди.

³³ Шегиртleri Онъя:

— Бу сахрада о къадар адамны тойдурмакъ ичюн отьmekни къайдан алайыкъ? — дедилер.

³⁴ — Не къадар отъмегинъиз бар? — деп сорады Иса.

— Еди дане ве бир къач балычыгъымыз бар, — деди олар.

³⁵ Иса адамларгъа ерге отурмакъны буюрып, ³⁶ еди отъмекни ве балыкъларны алды, шукюр этип пителерни парчалады ве шегиртлерине берди, олар исе халкъкъа даркъаттылар. ³⁷ Эписи ашап тойдышлар ве артып къалгъан отъмек парчаларындан даа толу еди буюк сепет топладылар. ³⁸ Ашагъанлар исе къадынлар ве балалардан гъайры дөрт бинъ адам эди. ³⁹ Иса халкъны йиберип, къайыкъка чыкъты ве Магдала этрафларына кетти.



¹Фериселер ве сад-
дукийлер Исаны сына-
макъ макъсадынен

16.1-4
Марк 8.11-13;
Лука 12.54-56.

Онынъ алдына келип, коктен бельги косътергенини талап эттилер. ² Иса исе оларгъа джевап берип:

— Акъшам тюшкенде, сиз: «Кок къырмызы тюсте, ава ачыкъ оладжакъ», — дейсиз. ³ Саба эрте исе: «Кок къою къырмызы тюсте ве оны булутлар къапаткъан, бугунь фуртуна оладжакъ», — дейсиз. Сиз кок юзүоне бакъып, оладжакъ аваны айта билесиз, заманнынъ аляметлерини исе айырып оламайсызмы? ⁴ Ярамай ве ороспу несиль бельги къыдыра, лякин Юнуснынъ бельги-синден гъайры оларгъа бельги берильмейдже, — деди ве оларны къалдырып кетти.

⁵ Башкъа ялыгъа этип кельген ше-
гиртлер янларына отъмек алмагъа унут-
къанлар. ⁶ Иса оларгъа:

16.5-12
Марк 8.14-21.

— Бакъынъыз, фериселернен саддукийлернинъ маясындан сакъынынъыз! — деди.

⁷Олар исе озьара: «Буны отьмек алмагъанымыз ичюн айтты», — дедилер. ⁸Иса, бу акъта билип, оларгъа:

— Эй иманы аз олгъанлар! Сиз не ичюн озьара, янымызды отьмек ёкъ, дейсиз? ⁹Буны даа анъламайсынъызмы? Беш дане отьмекни беш бинъ адам ашап, даа не къадар сепет отьмек парчаларыны джыйып алгъанынъыз акъылынтыздамы? ¹⁰Я еди отьмек дёрт бинъ адам ичюн? О вакъыт къач буюк сепет джыйынъыз? ¹¹Мен сизлерге: «Фериселер ве саддукийлернинъ маясындан сакът олунъыз», — дегеним отьмек акъында олмагъаныны насыл анъламайсынъыз? — деди.

¹²Шундан соң шегиртлер, Иса оларгъа отьмек маясындан дегиль, фериселер ве саддукийлернинъ огретювинден сакът олмакъ кереклигини айткъаныны анъладылар.

¹³Филиппинъ Кайсаеясы этрафла-рына кельген Иса, Озы шегиртлеринден:

— Адамлар Инсан Огълуну ким деп саялар? — деп сорады.

16.13-20

Марк 8.27-30;
Лука 9.18-21.

¹⁴ — Базылары Сени Сувгъа Батырыджы Ягъя, башкъалары — Ильяс, дигерлери исе — Йирмек, я да пейгъамберлерден бириси деп саялар, — деди шегиртлер. ¹⁵Иса олардан:

— Я сизлер Мени ким деп саясыз? — деп сорай.

¹⁶Симон Пётр джевап берип:

— Сен — Месихсинъ, Тири Алланынъ Огълусынъ! — деди. ¹⁷Иса онъя:

— Сен баҳтлы адамсынъ, Симон Бар-йона! Чюнки бу сырны санъа къян ве беден дегиль, Меним Коклердеки

Бабам ачты. ¹⁸ Шунынъ ичюн Мен санъа айтам: сен — Пётрсынъ* ве бу къаянынъ устюнде Мен Озъ Топлашувымны** къураджам. Оны олюлер дюнъясынынъ кучълери биле еңьип оламайджакълар. ¹⁹ Кок Падиша-лыгъынынъ анахтарларыны санъа береджем. Ер юзүонде сен нени ясакъ этсенъ, коклерде де шуны ясакъ этеджеклер. Ер юзүонде сен нени рухсет этсенъ, коклерде де шуны рухсет этеджеклер, — деди.

²⁰ Соңъ Иса шегиртлерине Озюни Месих олгъяны ақъкъында кимсеге айтмагъа кесен-кес ясакъ этти.

²¹ Шу вакъыттан башлап, Иса шегиртлерине Онъя Ерусалимге бармагъа кереклигини, анда ақъсакъаллар, баш руханийлер ве Къанун оджалары къолунда чокъ азап чекип, ольдюриледжегини, амма учюнджи куню тириледжегини ачыкъ-айдын айтып башлады.

16.21-28
Марк 8.31—9.1;
Лука 9.22-27.

²² Пётр Оны четке чекип:

— Алла сакъласын, Рabbим! Сеннен бойле шей ич бир вакъыт олмаз! — деп, Оны азарлап башлады.

²³ Иса исе айланып:

— Ёкъ ол козюмден, Иблик! Сен Мени ёлдан урасынъ! Сен Алланынъ ишлерини дегиль, адам ишлерини тюшюнесинъ, — деди Пётргъя.

²⁴ Соңъ Иса Озъ шегиртлерине:

— Эгер ким Меним артымдан кетмеге истесе, озюнден вазгечсин, озъ хачыны котерсин ве пешимден

* **16.18** Пётр — къадимий юнанджадан «къая».

** **16.18** Топлашув — Аллагъа инангъан ве Исанынъ огратювиини къабул эткен адамларнынъ топлашувы.

юрсюн! — деди.²⁵ — Ким озъ джаныны къуртартмагъа истесе, оны джояджакъ. Лякин ким Мен ичюн джаныны берсе, о, джаныны тападжакъ.²⁶ Эгер инсан бутюн дюньяны басып алса да, озъ джанына зарар кетирсе, бунынъ файдасы не олур? Инсан, озъ джаныны къуртартмакъ ичюн, не берири?²⁷ Инсан Огълу Озъ Бабасы шанынынъ нурунда, Онынъ мелеклеринен берабер келджеек ве эр кимни япкъанына коре мукифатлайджакъ.²⁸ Сизге дөгърусыны айтам: бу ерде тургъянлардан базылары даа олюм корымегендже, Инсан Огълынынъ Озъ Падишалыгъынен берабер кельгенини кореджеклер.



¹ Алты кунь кечкен сонъ, Иса Пётрны, Якъупны ве онынъ къардашы Юханны янына алды ве тек оларнен юксек бир дагыгъа котерильди.

17.1-13
Марк 9.2-13;
Лука 9.28-36.

² Исанынъ бутюн корюнюши оларнынъ козълери оғюнде денчишти: Онынъ бети кунеш киби парылдады, урбасы исе козъ къамаштырып bem-beяз олды.³ Ве мына, оларнынъ оғюнде Муса ве Ильяс пейда олдылар да, Иса-нен субетлешип башладылар.

⁴ Пётр Исағъа:

— Раббим, бу ерде бизге не яхшы я! Эгер истесенъ, мен мында учь чалаш къурайым: бириси Санъа, бириси Мусагъа ве бириси Ильяскъа олур, — деди.

⁵ Пётр бу сёзлерни даа айткъанда, бирден бир нур сачкъан булут пейда олып, оларны кольгесинен къапатты. Шу булут ичинден бир сес чыкъты:

— Бу — Меним севимли Огълумдыр, Мен Ондан разым! Оны динъленеңиз!

⁶Бу сесни эшиткен шегиртлер буюк бир къоркъуда ерге йықъылдылар. ⁷Иса, оларның янына келип, оларгъа тийди де:

— Къоркъманъыз, турунъыз! — деди.

⁸Шегиртлер козълерини котерип, янларында Исадан гъйры кимсени корьмедилер. ⁹Дагъдан тюшкенде, Иса шегиртлерине:

— Инсан Огълу олюлерден тирильмегендже, мында корыген шейлерни кимсеге айтманъыз, — деп буюрды.

¹⁰Шегиртleri Ондан:

— Не ичюн Къанун оджалары: «Башта Ильяс кельмек керек», — дейлер? — деп сорадылар. ¹¹Иса оларгъа джевап берип:

— Бу керчек, башта Ильяс келип, эр шейни азырламакъ керек, — деди. ¹²— Мен сизлерге айтам: Ильяс энди кельди, амма оны танымадылар ве онен истеген шейлерни яптылар. Шойле де Инсан Огълу оларның къолларындан чокъ азап чекмеге меджбур.

¹³О вакъытта шегиртлер, Иса оларгъа Сувгъа Батырыдджы Ягъя акъкъында айткъаныны анъладылар.

¹⁴Олар халкъкъа къайтып кельгенде, бир адам, Исағъа якъынлашып, тиз чёкти де:

17.14-20

Марк 9.14-29;
Лука 9.37-43а.

¹⁵— Эфендим, огълума мерамет эт! Онда тутарыкъ хасталыгъы бар, о пек чекише. Сыкъ-сыкъ де атешке, де сувгъа дала, — деди. ¹⁶— Баламны Сенинъ шегиртлеринъе кетирдим, амма олар оны тедавийлеп оламадылар.

¹⁷ — Эй имансыз ве бозукъ адамлар! Мен сизнен даа чокъ вакъыт оладжаммы?! Сизни даа чокъ вакъыт чыдайджаммы?! Баланы бу ерге, Меним алдыма кетириңиз! — деди Иса.

¹⁸ Иса джинге чыкъмагъа эмир берди, ве джин чыкъты, бала исе шу ань тедавийленди. ¹⁹ Соң шегиртлер, Иса бир Озю къалгъанда, Онъя якъынлашып:

— Биз джинни не ичюн къувып чыкъаралмадыкъ? — деп сорадылар. ²⁰⁻²¹ Иса оларгъа:

— Чюнки сизинъ иманынъыз аз. Сизге дөгърусыны айтам: сизинъ бир хардал урлугъы къадар иманынъыз олгъанда, сиз мына бу дагъгъа: «Бу ерден о ерге кочь», — дейджеексиз, ве о кочеджек. Соң сиз япалмайджақъ шей олмайджақъ, — деди.

²² Иса шегиртлеринен Галилеяда ол-гъанда, О, оларгъа:

— Инсан Огълуны адамларнынъ къолуна тутып береджеклер ²³ ве ольдюреджеклер, амма учонджи куню тириледжек, — деди. Соң шегиртлерни буюк бир гъам басты.

²⁴ Олар Кафарнаумгъа кельгенлеринде, Алла Сарайынъынъ салымыны* топлайыджылары Пётрнынъ алдына келип:

— Сизлернинъ Оджанъыз Сарай салымыны береми? — деп сорадылар. Пётр:

17.22-23

Марк 9.30-32;

Лука 9.43б-45.

* **17.24** Алла Сарайынъынъ салымы — юнанджа «дидрахма», эки драхма. Еудийлер Алланынъ Сарайы ичюн эр йыл эки куньлюк иш акъкъына тенъ кельген салымны бере эдилер.

— Бере! — деди.

²⁵ О эвге кирген сонъ, Иса биринджи лаф ачты:

— Симон, сенинъ фикиринъ насыл? Бу дюнья падишалары салым я да ясакъны кимден алалар? Озъ огъуларынданмы я да ябанджыларданмы?

²⁶ — Ябанджылардан, — деди Онъя Пётр.

— Ойле олса, озъ огъуллары салымдан азат экен де, — деди Иса. ²⁷ — Амма салым топлайыджыларынынъ джаныны агъыртмамакъ ичюн, сен гольге балырп балыкъ таягъы ташла. Биринджи тутулгъан балыкъны алып, агъзыны ачсанъ, бир акъча* тапарсынъ. Акъчаны алып, экимиз ичюн оларгъа салым бер, — деди Иса.



¹ О вакъытта шегиртлер, Исанынъ алдына келип:

18.1-5

Марк 9.33-37;
Лука 9.46-48.

— Кок Падишалыгъында энъ буюк адам ким оладжакъ? — деген суальни бердилер.

² Иса янына бир баланы чагъырып, оны оларнынъ арасына къойды ве:

³ — Сизлерге догърусыны айтам: эгер сиз деньишмесенъиз ве балалар киби олмасанъыз, Кок Падишалыгъына кирмезсиз. ⁴ Ким бу бала киби озюни ашада тутып юрсе, Кок Падишалыгъында энъ муим оладжакъ, — деди. ⁵ — Ким бу бала киби бир баланы Мен ичюн къабул этсе, о Мени къабуу эте.

* 17.27 Акъча — юнанджа «статер», демек дёрт драхма.

⁶ Ким исе Манъа инангъан бу кучюклерден бирисини ёлдан урса, онынъ бойнұна эшек айландырыгъан дегирмен ташыны асып денъизнинъ чукъур еринде bogъсалар, о ичинен яхшыджа олур эди.

18.6-9Марк 9.42-48;
Лука 17.1-2.

⁷ Бу дюньянынъ алына беля, чонки инсанны гунагъа тюшюрген шейлер чокъ! Бойле шейлер олмакъ керек! Амма гунагъа себепчи олгъан адамнынъ алына беля!

⁸ Эгер къолунъ я да аягъынъ сени ёлдан урса, оны кесип, озюнъден узакъча ташла. Сен чолакъ я да топал олсанъ да, эбедий аяткъа кирежексинъ. Бу, эки къолнен, эки аякънен эбедий атешке ташланғынъдан яхшыдыр. ⁹ Эгер козюнъ сени ёлдан урса, оны чыкъарып ал да, озюнъден узакъча ташла. Сен бир козынен олсанъ да, эбедий аяткъа кирежексинъ. Бу, эки козынен джәэннем атешине ташланғынъдан яхшыдыр.

¹⁰⁻¹¹ Бакъынъыз, бу кучюклерден бирисине биле нефретлеменъиз. Мен сизге айтам: оларнынъ мелеклери эр вакъыт Меним Коктеки Бабамынъ оғонде туралар.

18.10-14

Лука 15.3-7.

¹² Сизлернинъ фикиринъиз насыл? Эгер бир адамнынъ юз баш къою олып, олардан бириси адашса, о, докъсан докъузыны дагъларда къалдырып, адашкъан союны къыдырмагъа бармазмы? ¹³ Оны тапкъанда исе, сизге дөгърусыны айтам: адашмагъан докъсан докъузындан зияде, шу бир къой ичинен къуванаджакъ. ¹⁴ Ойле де Коклердеки Бабанъыз бу кучюклерден бирисининъ биле ольгенини истемей.

¹⁵ Эгер сенинъ дин къардашынъ санъа къаршы гуна япса, онынъ алдына барып,

18.15-20

Лука 17.3.

тек юзъге-юзъ лаф этип, къабаатыны онъя косътер. О сени динълесе, сен агъанъны озюнъе къайтардынъ.¹⁶ Эгер сени динълемесе, озюнънен даа бир я да эки адамны алып бар, чонки «эр бир олгъан шей эки я да учь шаатнен тас-дыхъланмакъ керек». ¹⁷ Эгер оларгъа да къулакъ асмаса, иманлыларнынъ топлашувына айт. Эгер иманлыларнынъ топлашувына да къулакъ асмаса, сен ичюн о, Аллагъа инанмагъан я да салым топлайыджысы киби олсун.

¹⁸ Сизге догърусыны айтам: ер юзюнде сизлер нени ясакъ этсенъиз, кокте де ясакъ этиледжек. Ер юзюнде нени рухсет этсенъиз, кокте де рухсет этиледжек.

¹⁹ Сизге даа айтам: эгер экинъиз берабер бир шей акъ-къында дува окъумагъа мында, бу дюнъяда келишсеппэйиз, Меним Коктеки Бабам буны беджерири. ²⁰ Чюнки эки я да учь адам Меним ичюн топланса, Мен шу ерде оларнынъ арасында олурым.

²¹ Шу вакъытта Пётр келип Исагъя:

— Раббим, эгер дин къардашым манъя къаршы гуна япса, мен къач кере оны багъышлайджам? Еди кереми? — деди. ²² Иса онъя:

— Ёкъ, еди кере дегиль, етмиш кере едишер, — деди. ²³ — Бунынъ ичюн Кок Падишалыгъы бунъя ошай: бир падиша озы хызметчилеринден борджаларыны алмагъя истеген. ²⁴ Пара сайып башлангъанда, онъя он бинъчувал алтын^{*} борджу олгъан бир адамны онынъ алдына кетирдилер. ²⁵ Борджуны одемеге бир шейи олмагъяны ичюн, падиша онъя озюни, апайыны, балаларыны ве

* **18.24** Он бинъчувал алтын — къадимий юнанджа «он бинъталантон». Бир талантон — 35 кило алтынгъа тенъ.

бутюн мал-мулькюни сатып, борджуны бермесини буюрды. ²⁶Хызметчи исе ерге йыкъылып, падишагъя ялварды: «Сабыр этинь, мен сизге эписини къайтарыым!» — деди. ²⁷Озь хызметчисини аджып, падиша оны йиберди ве борджуны багъышлады. ²⁸О хызметчи исе кетип, озюне юз динар борджу олгъан бир аркъадашыны тапты ве онынъ богъазына япышып: «Менден алгъан борджунъны къайтар!» — деп богъып башлады. ²⁹Аркъадашы исе онынъ аякълары янына ерге йыкъылып: «Сабыр эт, мен санъа эписини къайтарыым!» — деп ялварды. ³⁰Амма о бунъа разы олмады, барып, борджуны къайтармагъандже аркъадашыны зиндангъа къапаттырды. ³¹Бу вакъианы корыген башкъа хызметчилернинъ джанлары пек агъырды, ве олар барып, падишагъя олгъан шейни айттылар.

³²О вакъыт падиша хызметчисини алдына чагъырып: «Эй ярамай къул! Манъя ялваргъанынъ ичюн, мен сенинъ бутюн борджунъны багъышладым. ³³Мен сени аджыгъаным киби, сен де аркъадашынъны аджысанъ олмаз эдими?» — деди. ³⁴Сонъ ачувлангъан падиша, бутюн борджуны тёлемегендже хызметчисини апсхане джезалайыджыларнынъ къолуна берди. ³⁵Бойледже, эгер сизлернинъ эр бири-нъиз озь аркъадашынъызынъ джан-юректен багъышламасанъыз, Меним Коктеки Бабам да сизлернен ойле япар.



¹Иса бу сёзлерни ай-
тып битиргенинен, Га-
лилеядан кетип, Иордан озенининъ ар-
тындаки Еудие топракъларына кельди.
²Онынъ пешинден чокъ адамлар кет-

тилер, ве О оларны анда тедавийледи.

19.1-12
Марк 10.1-12.

³Исаны сынамакъ ниетинен, фериселер Онынъ ал-
дына келип:

— Акъайгъа олур-олмаз себепке коре озъ апайындан
къанун боюнджакъ айырылмакъ мумкюнми? — деген су-
альни бердилер. ⁴Иса оларгъа шойле джевап берди:

— Я сиз окъумадынъызмы? Яратылджы тап башын-
дан адамларны «акъай ве апай этип яратты» ⁵вe:
«Шу себептен акъай, ана-бабасыны къалдырып, озъ
апайына япышаджакъ ве олар экиси бир вуджут ола-
джакълар», — деди. ⁶Бойледже, олар энди эки дегиль,
бир беден сайылалар. Алла къошкъаныны адам айыр-
масын.

⁷Олар Исагъа:

— Ойле олса, Муса не ичюн, акъай апайындан айы-
рылса, айырув кягъытыны язып бермеге эмир эткен? —
дедилер. ⁸Оларгъа:

— Юреклеринъиз таш киби олгъаны ичюн, Муса сиз-
лерге апайларынъызnen айырылмагъа рухсет берген, —
деди. — Лякин башта бойле дегиль эди.

⁹— Мен сизлерге айтам: ким озъ апайындан аиle са-
дыкълыгъы бозувындан башкъа себеп тапып, айырылса
ве башкъасына эвленсе, садыкълыкъыны бозып гуна
япа, — деди Иса. ¹⁰Шегиртлери Исагъа:

— Эгер акъай эвлениовге шойле бакъса, эвленимегени
яхши олур эди! — дедилер. ¹¹Иса оларгъа:

— Бу айткъанны эр кес къабул этип оламайлар.
Оны тек Алла къабилиет берген адамлар анълай. ¹²Ба-
зы адамлар дөгъгъан кунюнден акъайллыгъыны косъте-
рип оламайлар. Башкъаларыны исе адамлар ойле япа-
лар. Даа башкъалары Кок Падишалыгъы ичюн озылери

евленювден вазгечелер. Ким буны къабул этип олса, къабул этсин! — деди.

¹³ О вакъытта Исағъа, башларына къолларыны къойып дува окъусын деп, балаларны кетирдилер. Шегиртлери исе оларгъа ёл бермедиiler. ¹⁴ Иса оларгъа:

— Балаларгъа кельмеге ёл ачынъыз, оларны токътатманъыз, Меним алдыма кельсингилер, чонки Алланынъ Падишалыгъы оларнынъкидир, — деди ¹⁵ ве оларнынъ башларына къолларыны къойгъан сонъ, о ерден кетти.

¹⁶ Бир кунь Онъа бир адам келе ве:

— Оджа! Эбедин аяткъа кирмек ичинен насыл яхшылыкъ япайым? — деп сорай. ¹⁷ Иса онъа:

— Сен Менден яхшылыкъ акъкъында не сорайсынъ? Тек бир Алла яхшыдыр. Эгер эбедин аяткъа кирмеге истесенъ, эмирлерни беджер, — деди.

¹⁸ — Къайсыларны? — деп сорады о. Иса онъа:

— Адамнынъ джаныны алма, аиле садыкълыгъыны бозма, хырсызлама, ялан шаатлыкъ этме, ¹⁹ ана-бабанъны урмет эт ве башкъа адамны озюнъни севгенинъ киби сев, — деди. ²⁰ Йигит Онъа:

— Мен буларнынъ эписини япам. Манъа даа не этишмей? — деди. ²¹ Иса онъа:

— Эгер эксиксиз олмагъа истесенъ, бар, эписи мал-мулькюнъни сатып, акъчасыны фукъарелерге болип бер. О вакъыт зенгинлигинъ кокте оладжакъ. Сонъ кель де, артымдан юр, — деди.

²² Йигит бу сёзлерни эшитип, къайгъы ичинде о ерден чыкъып кетти, чонки онынъ байлыгъы буюк эди.

19.13-15

Марк 10.13-16;
Лука 18.15-17.

19.16-30

Марк 10.17-31;
Лука 18.18-30.

²³ Иса исе шегиртлерине:

— Сизге дөгърусыны айтам: зенгин адамнынъ Кок Падишалыгъына кириши къыйын оладжакъ. ²⁴ Даа сизге айтам: зенгин адамнынъ Алла Падишалыгъына киришинден, девенинъ ине тешигинден кечкени къолай-дыр, — деди.

²⁵ Шегиртлер буны эшитип, джандан тааджиплендилер ве:

— Ойле олса, ким къуртарыладжакъ? — деп сорадылар.

²⁶ Иса оларгъа дикъкъатнен бакъып:

— Адамларнынъ имкяны ёкъ, лякин Алланынъ ярдымынен эр шей олмакъ мумкюн, — деди.

²⁷ Бу сёзге джевап берип, Пётр Исагъа:

— Мына, биз эр шейни къалдырып, Сенинъ артынъдан кеттик. Бунынъ ичюн бизге не оладжакъ? — деди. ²⁸ Иса оларгъа:

— Сизге дөгърусыны айтам: дюньянынъ янъы дөгъувында Инсан Огълу шан-шуретли тахткъа отургъанда, Меним артымдан кельген сизлер де он эки тахткъа отурып, Исраильнинъ он эки къабилесине укуом этерсиз. ²⁹ Мен ичюн эв-баркъ, агъа-къардаш, тата-къызы къардаш, ана-баба, апай-бала ве ер-мулькюни ташлап кеткен эр бир адам булардан юз кере чокъ тападжакъ ве эбедий аятны мирас киби аладжакъ.

³⁰ Лякин шимди биринджи олгъян чокъ адамлар соңъунда, соңъунда олгъянлар исе биринджи оладжакълар, — деди.



¹Бойледже, Кок Падишалыгъы бунъа ошай: бир эфенди саба эрте озъ юзюм багъына ыргъатларны кирагъа тутмакъ ичюн кете. ²О ыргъатларнен кунюне бир динар бермеге келишип, оларны озюнинъ юзюм багъына йиберди. ³Саат докъузларда о кене чыкъып, базар мейданында ишсиз тургъан башкъа адамларны корип, ⁴оларгъа: «Сизлер де меним юзюм багъыма барынъыз, мен сизлерге ляйыкъ акъкъынъызы беририм», — деди. Олар бардылар. ⁵Саат он экиде ве уйледен сонъ саат учьте о чыкъып, кене шойле япты. ⁶Саат бешлерде де, акъшам устю даа бир кере мейдангъа чыкъып, анда ишсиз тургъан адамларны корьди де: «Не ичюн сизлер бу ерде кунь бою ишсиз турасыз?» — деп сорады. ⁷Олар исе: «Бизлерни кимсе чалышмакъ ичюн кирагъа тутмады да», — дедилер. О оларгъа: «Сизлер де меним юзюм багъыма барынъыз», — деди. ⁸Акъшам олгъанда, багъынъ саиби озюнинъ идаре хызметчисине: «Ыргъатларны чагъырып, оларгъа, сонъкилерден башлап биринджилеринедже иш акъларыны бер», — деп буюорды. ⁹Саат бешлерде иш башлағъанлар келип бирер динар алдылар. ¹⁰Биринджи кельгенлер исе чокъча аладжамыз, деп тюшондилер. Амма олар да бирер динар алдылар. ¹¹Олар иш акъкъыны алып, багъ саибине наразылыкъ бильдире башладылар: ¹²«Бу сонъунда кельгенлер бир саат ишледилер, сен исе оларны, бутюн кунь кучълю кунеш тюбюнде чалышкъан бизлернен тень корьдинъ». ¹³Бунъа джевап берип багъ саиби олардан бирисине: «Достум, мен сени алдатма-йым. Сен меннен бир динаргъа келишкен эдинъми?»

¹⁴ Энди акъкъынъны алып кет. Мен исе санъа бергеним къадар бу сонъки кельген адамгъа да бермеге истейим.

¹⁵ Озь парамны истегенимдже масраф этмеге акъкъым ёкъымы? Я да мен бойле мераметли олгъанымны пахыллай-сынъмы?» — деди. ¹⁶ Бойлеликнен, сонъундакилер биринджи ве биринджилер исе сонъунда оладжакълар.

¹⁷ Иса Ерусалимге ёл алгъанда, тек он эки шегиртини четке чагъырып, оларгъа:

¹⁸ — Шимди биз Ерусалимге келип киреятамыз. Анда Инсан Огълуны баш руханийлер ве Къанун оджаларынынъ къолуна тутып береджеклер. Олар Оны оломгэ укюм этеджеклер. ¹⁹ Масхара этмек, къамчыламакъ ве хачкъа мыхламакъ ичюн Оны Аллагъа инанмагъан адамларгъа береджеклер. Учюнджи куню исе О, тириледжек, — деди.

²⁰ Сонъ Якъуп ве Юханнынъ анасы, Зебедайынынъ къадыны озь огъулларынен берабер Исанынъ янына кельди. Бир шей истемек ниетинен, Онъа бель букти. ²¹ Иса ондан:

— Сен не истейсинъ? — деп сорады.

— Сен Падиша олгъанда, бу меним эки огълумнынъ бириси онъ тарафынъда, экиндjisи сол тарафынъда отураджакъларына сёз бер, — деди Онъа къадын.

²² Иса агъа-къардашкъа джевап берип:

— Сизлер не истегенинъизни бильмейсиз. Мен ичеджек къадени ичип олурсызмы? — деди.

— Ичермиз! — деди олар. ²³ Иса исе:

— Керчектен де, сизлер Мен ичеджек къадени ичеджексиз, амма Меним онъ ве сол тарафымда отурмагъа разылыкъ бермек Меним къолумда дегиль.

20.17-19

Марк 10.32-34;
Лука 18.31-34.

20.20-28

Марк 10.35-45.

Бабам бу ерни кимлерге азырлагъан олса, оларгъа береджек, — деди.

²⁴ Башкъя он шегирти буны эшитип, эки агъа-къардаш-къя ачувландылар. ²⁵ Иса исе оларны янына чагъырып:

— Сиз билесиз, башкъя миллетлерниң башлыкълары оларгъа башлыкъ олалар, ве буюк адамлары оларның устюнде укюм сюрелер. ²⁶ Амма сизлерниң аранъызда бойле олмасын. Ким сизде буюк олмагъя истесе, сизге хызметчи олсун. ²⁷ Ким исе сизлерниң аранъызда биринджи олмагъя истесе, сизинь къулунъыз олсун. ²⁸ Шойле де Инсан Огълу, Озюне хызмет эттиромек ичюн кельмеди, Озю хызмет этмек ве Озъ джаныны къурбан этип, чокътан-чокъларны къурттармакъ ичюн кельди, — деди.

²⁹ Олар Ерихон шеэрinden чыкъ-къанда, Исаңынъ артындан чокъ адам кетти. ³⁰ Ёл четинде эки кёр отура эди.

20.29-34

Марк 10.46-52;
Лука 18.35-43.

Иса оларның оғонден кечип кеткенини эшитип:

— Я Рабби! Давутнынъ Огълу, бизге мерамет эт! — деп бағыыра башладылар.

³¹ Адамлар оларның агъызларыны къапатмагъя меджбуру этмеге истеселер де, олар даа зияде къычырып:

— Я Рабби! Давутнынъ Огълу, бизге мерамет эт! — деп ялвардылар.

³² Иса токътап, оларны янына чагъырды да:

— Сизлер Менден не истейсиз? Сизге не япайым? — деп сорады. ³³ Олар:

— Рабби, козълеримиз ачылсын! — дедилер.

³⁴ Иса оларны аджып, козълерине къол тийдирди.

Шу ань оларның козълери ачылды ве олар Исаңынъ артындан кеттилер.



¹Ерусалимге якъынлашкъанда, Зейтюн дагъы этегиндеки Бетфаге шеэрине етип кельдилер.

21.1-11

Марк 11.1-11;
Лука 19.28-38;
Юхан 12.12-19.

Иса эки шегиртини ёллап:

² — Къаршынъыздаки койге барынъыз, анда, бирден багълы тургъан эшекни ве онынъ янында эшечикни көрерсиз. Оларны чезип, Меним алдыма кетиринъиз.

³ Эгер бир кимсе сизге бир шей айтса, «Булар Раббимизге керек», — деп джевап беринъиз, ве о шу ань сизге оларны алмагъа рухсет эттер, — деди.

⁴ Бу олгъан шей пейгъамбер аркъалы айтылгъан сёзлер беджерильмеси ичюн олды:

⁵ «Сион къызына* айтынъыз:

“Мына, Озю алчакъгонъюлли,
яш эшек ве юк ташыгъан эшекнинъ
баласы устюнде
сенинъ Падишанъ келе янынъа”».

⁶ Шегиртлер ёлгъа чыкъып, Исанынъ оларгъа буюргъаныны яптылар. ⁷Эшекнен баласыны кетирип, оларнынъ устюне кийимлерни тёшедилер, ве Иса урбалар устюне минди. ⁸Халкъынынъ чокълугъы озъ урбаларыны ёлгъа джайырды. Базылары исе терек пытакъларыны кесип,

ёлгъа тёшедилер. ⁹Онынъ огунде ве артында юргенлер: — Давут Огълуна шукюр! Раббининъ ады иле Келяткъаны шуретленъиз! Коклерде Аллагъа бинъ шукюрлер! — деп къычыра эдилер.

* **21.5 Сион къызы** — Ерусалим шеэри. О, Сион дагъы устюнде ерлешкен эди.

¹⁰Иса Ерусалимге кирип кельгенде, бутюн шеэр:

— Бу ким я? — деп арекетке кельди. ¹¹Халкъ исе:

— Бу — Галилеяның Назарет шеэринден олгъан

Иса пейгъамбер! — деп джевап берди.

¹²Иса Алланың Сарайына келип, анда алыш-вериш япкъанларның эписини къувып чыкъарды. Акъча алмаштырыджаларның масаларыны ве гогер-джин сатыджаларның курсюлерини авдарып йиберди.

¹³Иса оларгъа:

— Языда: «*Меним Эвим Ибадет Эви деп адлансын*», — деп язылгъан. Сизлер исе оны айдуглар къобасына чевиргенсиз! — деди.

¹⁴Сарайда Исаның алдына сокъурлар ве топаллар кельди. О исе оларны тедавийледи. ¹⁵Лякин баш руханийлер ве Къанун оджалары Исаның япкъан аджайип ишлерини ве Сарайда: «Давут Огълуна шукюр олсун!» — деп къычыргъан балаларны корип, ачувландылар ¹⁶вe Исағъа:

— Булар не айталар, эшитесинъми? — дедилер. Иса оларгъа:

— Эбет! Я сизлер: «*Эмиздирильген сабийлер ве балалар агъзындан чыкъкъан макътавларны Озюнъичюн азырладынъ*», — деген сөзлерни окъумадынъымы? — деди.

¹⁷Сонъ Иса оларны къалдырып, шеэрден чыкъты ве Бетаниягъа барып, о ерде геджеледи.

¹⁸Саба эрте Иса шеэрге къайтып келеят-къанда ач олды. ¹⁹Ел четинде бир ин-

21.12-17

Марк 11.15-19;
Лука 19.45-48;
Юхан 2.13-22.

джир терегини корип, оның янына барды. Иса, япракълардан гъайры ич бир шей тапмайып, терекке:

21.18-22

Марк 11.12-14,
20-24.

— Энди сенинъ мейванъ эбедий олмасын! — деди.
Инджир тереги исе шу ань къурып къалды. ²⁰ Буны
корыген шегиртлер шашып:

— Насыл этип инджир тереги бирден къурып къал-
ды? — дедилер.

²¹Иса оларгъа джевап берип:

— Сизлерге дөгърусыны айтам: эгер иманлы ол-
санъыз ве шубеленмесенъиз, тек инджир терегинен
япкъанымны дегиль де, мына бу дагъгъа: «Еринъ-
ден котерилип, денъизге атыл!» — десенъиз, айт-
къанынъыз киби оладжакъ. ²²Сизлер дува окъу-
гъанда, ишанчнен не сорасанъыз, оны аладжакъ-
сыз, — деди.

²³Иса Алланынъ Сарайына кирип,
адамларны огреткенде, халкътан баш
руханийлер ве акъсакъаллар Онынъ ал-
дина келип:

— Бу ишлерни япмагъа Сенинъ акъкъынъ бармы?
Санъа бу акъны ким берди? — деп сорадылар. ²⁴Иса
оларгъа джевап берип:

— Мен де сизге бир суаль береджем. Эгер Манъа
джевап берсенъиз, бу ишлерни япмагъа насыл акъкъым
олгъаныны сизлерге айтарым. ²⁵Ягъя халкъны сувгъа
батырып чыкъаргъаны кимден эди? Алладан я да адам-
ларданмы? — деди.

Олар исе озвара давалашып башладылар: «Эгер
“Алладан”, — десек, О бизлерден: “Не ичюн Ягъягъа
инанмадынъыз?” — деп сорайджакъ. ²⁶Эгер “Адамлар-
дан”, — десек, биз халкътан къоркъамыз, чонки эписи
Ягъяны пейгъамбер деп саялар». ²⁷Олар Исагъа:

21.23-27
Марк 11.27-33;
Лука 20.1-8.

— Бильмеймиз, — деп джевап бердилер. Иса исе оларгъя:

— Мен де буларны япмагъя насыл акъкъым олгъаныны сизлерге айтмам, — деди.²⁸ — Сизлерниң фикиринъиз насыл?²⁹ Бир адамның эки оғълу бар экен. О биринджисине барып: «Оғълум, бугунь барып юзюм багъымызда ишле», — дей.³⁰ Амма о: «Истемейим!» — деп сёз къайтара. Соң пешман этип, бара.³¹ О адам экинджи оғълуна барып, онъя да шойле дей. Оғълу онъя джевап берип: «Барам, эфендим», — дей, лякин бармай.³² Экисинден къайсы бири бабасының истегини беджере?

Исагъя:

— Биринджиси, — дедилер. О оларгъя:

— Сизге дөгърусыны айтам: салым топлайыджылары ве ороспулар сизден эвель Алланың Падишалыгъына кирерлер, — деди.³³ — Чонки Ягъя сизге дөгъру ёлны косятерип кельди, лякин сизлер онъя инанмадынъыз. Салым топлайыджылары ве ороспулар исе онъя инандылар. Сизлер буны корыген соң да пешман этмединъиз ве инанмадынъыз, — деди.

³³ Энди башкъа бир кинаели икяе динъленъиз: бир ер саibi бар экен. О, юзюм багъы сачып, этрафыны къоралады, юзюм сыкъмакъ ичюн чукъур къаздырды, соң къара- вул къуллесини къурып, багъыны юзюмджилерге кира- гъя берди, ве озю ёлгъа чыкъты.³⁴ Юзюмлер пишкен вакъты кельгенде, о озюнинъ берекетини алмакъ ичюн юзюмджилерниң алдына хызметчилирени ёллагъян.³⁵ Юзюмджилер исе онынъ хызметчилирени туталар ве биригини котеклейлер, даа биригини ольдюрелер,

21.33-46

Марк 12.1-12;
Лука 20.9-19.

учонджисини ташларнен уралар. ³⁶ Багъынъ саibi башкъа хызметчилерини, биринджи кереден зияде хызметчилерини ёллай. Юзюмджилер исе оларнен де шойле япалар. ³⁷ Сонъунда багъ саibi: «Огъулумдан утанаýлар», — деп, оларнынъ алдына озъ огълуны ёллай. ³⁸ Лякин юзюмджилер онынъ огълуны корип, бир-бирине: «Бу — мирасчы! Барып, оны ольдюреýик ве мирасыны алайыкъ», — дедилер. ³⁹ Оны тутып, багъдан тышарыгъа чыкъарып, ольдюрелер. ⁴⁰ Юзюм багъынъ саibi къайтып кельгенде, бу юзюмджилернен не япар экен?

⁴¹ Динълегенлер Исағъа:

— Бу яман адамларны къоркъунчлы ольдюреджек, багъыны исе башкъа, онъа махсулларны озъ вакътында берген юзюмджилерге берири, — дедилер.

⁴² Иса оларгъа айтты:

— Я сиз Языда:

«Күрүрджылар келишиккисиз деп

четке ташлагъан таш

бинанынъ темельташи олды.

Козюмиз огунде яптылгъан аджаийип шей —

бу Алланынъ ишиидир!» — денильгенини

окъумадынъызмы?

⁴³ Шунынъ ичюн сизлерге айтам: Алланынъ Падиша-лыгъы сизден алышып, махсул кетирген халкъкъа берилемдже. ⁴⁴ Бу ташкъа тюшкенлер эписи парчаланып кетеджек. Таш кимнинъ устюне тюшсе, оны ээзип ташлайджакъ.

⁴⁵ Баш руханийлер ве фериселер Исанынъ кинаели икялерини динълеген сайын, олар акъкъында айттылгъаныны анъладылар. ⁴⁶ Олар Исаны якъаламагъа истедилер,

амма халкътан къоркътылар, чонки халкъ Исаны пей-гъамбер деп сая эди.



¹Иса оларгъа даа
кинаели икяелер айтты:

22.1-14
Лука 14.15-24.

²— Кок Падишалыгъы бунъа ошай:
бир падиша озь огълуна никях тою яп-
къан. ³О, тойгъа давет этильген адам-
ларны чагъыртмакъ ичюн, хызметчилерини ёллай. Муса-
фирлер исе кельмеге истемедилер. ⁴Падиша кене башкъа
хызметчилерини ёллап: «Давет этильгенлерге айтынъыз
ки, мен зияфет софрасыны азырладым, огюзлерим ве
башкъа бесленген айванларым союлгъан, эписи азыр. Ни-
кях тоюна келинъиз!» — деди. ⁵Амма мусафирлер даветке
къулакъ асмай, озь ишлерини япалар: бириси озь тарла-
сына, башкъасы — тюкянына кете. ⁶Къалгъанлары исе,
падишанынъ хызметчилерини тутып, хорлап ольдюрелер.
⁷Падиша пек ачувланды. О, аскерлерини ёллап, адам оль-
дюрген джинаетчилерни ёкъ этип, шеэрни кульге чевиоди.

⁸Сонъ хызметчилерине: «Никях тою азыр, лякин
мусафирлер бунъа ляйыкъ дегиль экенлер. ⁹Ёллар
айырылгъан ерлерге барып, кимни расткетирсөнъиз,
тойгъа чагъырынъыз», — деп буюрды. ¹⁰Хызметчилер
ёлгъа чыкъып, расткельгенлернинъ эписини алып кель-
дилер: яхши адамларны да, яманларны да. Бутюн той
одасы мусафирлерге толды. ¹¹Падиша, мусафирлерни
корымек ичюн киргенде, той урбасыны киймеген бир
адамны корьди. ¹²О онъя: «Достум, сен не ичюн бу ерге
той урбасыз кельдинъ?» — деп сорады. Адам исе инде-
меди. ¹³О вакъыт падиша хызметчилерине: «Онынъ

къол-аякъларыны багълап, тышарыгъа, къаранлыкъкъа ташланышыз. О ерде агълав ве тиш гъыджыртысы оладжакъ», — деди.¹⁴ — Чюнки давет этильгенлер чокъ, амма сайдлангъанлар аздыр.

¹⁵ Шундан соңь фериселер кетип, Исанынъ айткъан сёзюне насыл илишеджеклерини анълаштылар. ¹⁶ Олар озыншегиртлерини Ироднынъ тарафдарларынен берабер Исанынъ алдына ёлладылар. Олар Исағъа:

— Оджа, биз билемиз ки, Сен дөгъру адамсынъ ве Алланынъ ёлуны дөгъру огратесинъ, адамлар Сенинъ акъкъынъда не тюшүнгөнгөнлөри ве адам муим олгъяны да муим олмагъяны Санъа эп бир. ¹⁷ Энди бизлөргө айт. Сенинъдже, Римнинъ императорына Къанун боюнчада салым бермек мумкүнми я да мумкүн дегильми? — деп сорадылар.

¹⁸ Лякин Иса оларнынъ яманлыгъыны билип: — Экиюзълюлер! Сиз Мени не ичюн сыйнайсыз?¹⁹ Къана, Манъа салым бериледжек параны косътеринъиз, — деди. Олар Исағъа бир динар кетирди.

²⁰ — Бу ресим ве язылар кимнинъки? — деп сорады Иса.

²¹ — Императорнынъ, — деди олар. — Ойле олса, императорнынъ акъкъыны императоргъа, Алланынъ акъкъыны Аллагъа беринъиз, — деди Иса. ²² Олар, бу сёзлөрни эшитип, шаштылар ве Исаны къалдырып кеттилер.

²³ Шу куню де, олюлер тирильмей де-ген саддукийлер, Исанынъ алдына келип, Онъа суаль бердилер:

22.15-22

Марк 12.13-17;
Лука 20.20-26.

22.23-33

Марк 12.18-27;
Лука 20.27-40.

²⁴ — Оджа! Муса бизге: «Эгер бир адам, бала корьмейип, ольсе, къардашы агъасынынъ апайына эвленсин ве агъасынынъ ерине онъа бала берсин», — деди.

²⁵ Мында еди агъа-къардаш бар экен. Биринджиси эвленип, бала корьмей ольген, апайыны исе къардашына къалдыргъан. ²⁶ Экиндjisинен, учонджисинен ве единджисинедже эписинен ойле ола. ²⁷ Олардан сонъ къадын да оле. ²⁸ Тирилов куню кельгенде, бу къадын, едисинден къайсы бирисининъ апайы оладжакъ? Оларнынъ эписи де онъа эвленген эдилер де!

²⁹ Иса оларгъа джевап берип:

— Сизлер пек янъышасыз, чонки эм Языларны, эм Алланынъ къудретини бильмейсиз. ³⁰ Тирилов куню кельгенде исе, олар не эвленеджеклер ве не де акъайгъа чыкъаджакълар. Амма олар коктеки мелеклер киби оладжакълар. ³¹ Олюлернинъ тириловини алсакъ исе, Алла сизге айткъаныны окъумадынъызмы? ³² О: «Мен Ибраимнинъ Алласым, Исхакънынъ Алласым ве Якъупнынъ Алласым», — деген. Алла олюлернинъ дегиль, тирилернинъ Алласыдыр, — деди.

³³ Халкъ буны эшитип, Исанынъ огretювине пек шаша эди.

³⁴ Фериселер исе, Иса саддукийлер-нинъ агъызларыны къапаткъаныны билип, эписи топландылар. ³⁵ Олардан бириси, Къанун оджасы, Исаны сынамакъ ниетинде Ондан:

³⁶ — Оджа! Къанунда энъ муим эмир къайсыдыр? — деп сорады. ³⁷ Иса онъа:

— «Рабби-Таалянъны бутюн юргинънен, бутюн джанынънен ве бутюн акъылынънен сев». ³⁸ Мына бу

22.34-40

Марк 12.28-34;
Лука 10.25-28.

биринджи ве энъ мум эмирдир.³⁹ Экинджиси де шойле:
 «*Башкъа адамны озюнъни севгенинъ киби сев*». ⁴⁰ Шу
 эки эмирде бутюн Къанун ве Пейгъамберлерниң Язы-
 лары тура, — деп джевап берди.

⁴¹ Фериселер Исаның янында топ-
 лангъанда, О олардан:

⁴² — Месих ақъкъында насыл фики-
 ринъиз бар? О, кимнинь оғылу? — деп сорады.

— Давутның, — деп джевап бердилер. ⁴³ Иса оларгъа:
 — Ойле олса, не ичюн Давут, Мукъаддес Рухтан
 ильхамланып, Онъя «Рабби» дей? О бойле деген:

⁴⁴ «*Рабби меним Раббиме айтты*:

“*Душманларынъны аякъларынъ астына
 йыкътырыммагъанымдже,*

Сен Меним онъ тарафымда отур!”»

⁴⁵ Демек, Давут Онъя «Рабби» дей. Насыл олып О,
 Давутның оғылу олур? — деди.

⁴⁶ Кимсе Исағъа бир сёз айтып джевап берип олама-
 ды. Шу куньден башлап, ич бир адамның Онъя суаль
 бермеге джесарети етмеди.



¹ Ондан соңъ Иса
 халкъка ве шегиртле-
 рине шойле деди:
² — Къанун оджала-

22.41-46

Марк 12.35-37;
 Лука 20.41-44.

ры ве фериселер Мусаның ерине
 отурдылар. ³ Шуның ичюн олар сизге не беджермекни
 эмир этсeler, беджеринъиз. Айткъанларыны япныңыз,
 лякин япкъанларыны япманыңыз! Чюнки олар озъ айт-
 къанларыны беджермейлер. ⁴ Олар агъыр ве ташымагъа

23.1-36

Марк 12.38-40;
 Лука 11.37-52;
 20.45-47.

къолайсыз олгъбан юкни юк устюне юклеп, инсанларның омузларына ташлайлар, лякин озылери онъа бир пармакънен биле тиймейлер.⁵ Олар бутон ишлерни, инсанларға корюнмек ичюн япалар. Олар дува къутуларыны кенъдже ве урбаларының пускюллерины^{*} узунджа япалар.⁶ Олар зияфетлерде төрде ве синагогаларда энъ сайгъылы ерде отурмакъны,⁷ базар мейданларында урьметнен селям бермесини ве адамлар тарафындан «Равви»^{**} деңгелерини истейлер.⁸ Сизлерге исе «Равви» демесинлер, чонки сизинъ бир Оджанызыз бар. Сиз исе бир-бири-нъизге — агъа-къардашсынъыз.⁹ Ер юзүнде кимсеге «Баба» деменъиз, чонки сизинъ тек бир Коклердеки Бабанызыз бар.¹⁰ Кимсе сизге «Ёлбашчы» демесин, чонки сизинъ бир Ёлбашчынъыз бар — Алланынъ Месихи.

¹¹ Аранызыздаки энъ буюк сою сизлерге хызмет этсин.
¹² Ким озюни юксек тутса, алчакъта оладжакъ. Ким озюни алчакъ тутса, о юксельтиледжек.

¹³⁻¹⁴ Эй Къанун оджалары ве фериселер! Экиюзълюлер! Алыннызыгъа беля! Чюнки Кок Падишалыгъыны инсанларның оғонде къапатып, озылеринъиз де кирмейсиз, кирмеге истегенлерни де йибермейсиз.

¹⁵ Эй Къанун оджалары ве фериселер! Экиюзълюлер! Алыннызыгъа беля! Сизлер тек бир адамны озъ дини-нъизге дёндюрмек ичюн деньизлер ве топракъларны

* 23.5 Дува къутулары — еудийлер дува окъугъанда, манълайына ве сол къолуна териден ясалгъан къутучылар такъа эдилер. Оларның ичинде Алланынъ Китабындан аялтар ола эди. Пускюллэр — урбанинъ четине пекильген, Алланынъ эмирлерини анъдыргъан асмалар.

** 23.7 Равви — еудийдже «Оджам».

айланып чыкъасыз. Лякин оны дёндюрген сонъ, озюнъизден эки къат бетер джеэннемнинъ оғълу япасыз.

¹⁶ Эй сокъур етекчилер! Алынъызгъа беля! Сизлер: «Алланынъ Сарайынен ант этсеньиз, бунынъ эмиети ёкъ олур, лякин Алланынъ Сарайындаки алтыннен ант этсеньиз, берильген сёзни беджермек керексиз», — дейсиз. ¹⁷ Кёр акъылсызлар! Къайсы бири къыйметлидже: Сарайынъ алтыннымы, я да алтынны азиз япкъан Сарайынъ озюми? ¹⁸ Шунынънен, сизлер кене: «Къурбан чалынгъан еринен ант этсеньиз, бунынъ эмиети ёкъ олур, лякин къурбан чалынгъан ериндеки бахшышнен ант этсеньиз, оны беджермек керексиз», — дейсиз.

¹⁹ Сокъурлар! Къайсы бири къыйметлидже: бахшышмы я да бахшышны азиз япкъан къурбан чалынгъан ерми?

²⁰ Бойледже, къурбан чалынгъан ернен ант эткен адам, эм къурбан еринен, эм ондаки эписи шейлернен ант эте.

²¹ Алланынъ Сарайынен ант эткен адам исе, эм Сарайынъ озю, эм анда яшагъан Алланен ант эте. ²² Кокнен ант эткен адам исе, эм Алланынъ тахтынен, эм де онынъ устюнде Отургъанынен ант эте.

²³ Эй Къанун оджалары ве фериселер! Экиюзълюлер! Алынъызгъа беля! Сиз нане, таракъот ве зиранынъ ондан бир пайыны бересиз, лякин Къануннынъ энъ муминини: адалетлик, мераметлик ве садыкълыкъны — котерип атасыз. Буны исе беджермек ве башкъасыны да унутмамакъ керек.

²⁴ Эй кёр етекчилер! Сизлер чиркийни ичимлигинъизден сюзип ташлап, девени ютасыз!

²⁵ Эй Къанун оджалары ве фериселер! Экиюзълюлер! Алынъызгъа беля! Сизлер пиала ве табакъынъ тышыны

темизләйсиз, амма оларның ичи хырсызлыкъ ве къызыгъанчлыкъкъ толып таша.²⁶ Эй көр ферисе! Сен башта пиаланың ичини темизле, о вакъыт оның тышы да темиз олур.

²⁷ Эй Къанун оджалары ве фериселер! Экиюзълюлер! Алынъызгъа беля! Сизлер сыланылгъан дюрбелер киби: олар тыштан дюльбер корюнелер, лякин ичи олю кемиклерге ве тюрлю арам шейлерге толу.²⁸ Сиз де ойле: тыштан адамларгъа инсафлы корюнесиз, ичинъиз исе экиюзълюлик ве адалетсизлик толу.

²⁹ Эй Къанун оджалары ве фериселер! Экиюзълюлер! Алынъызгъа беля! Сизлер пейгъамберлерге дюрбелер къурып, азиз-эвлияларның дефн этильген ерлерини донатып юресиз.³⁰ «Эгер бабаларымыз девринде яшагъан олсакъ, биз пейгъамберлерниң къаныны тёкювинде иштирак этмез эдик», — дейсиз.³¹ Бунен сиз озюнъизге къаршы шаатлыкъ бересиз, пейгъамберлерни ольдюргенлерниң оғыуллары экенинъизни озюнъиз тасдықълап турасыз.³² Къана, бабаларының башлагъан ишни битиринъиз!

³³ Сиз йыланлар ве йылан союндансыз! Сиз джеэннем джезасындан къуртуламазсынъыз!

³⁴ Динъленъиз: Мен сизге пейгъамберлерни, акъыллы адамларны ве Къанун оджаларыны ёллайджам. Сизлер исе олардан кимни ольдюрирсиз, кимни хачкъа мыхларсыз, кимни исе синагогаларыныңда къамчылап, шеэрден шеэрge къуварсыз.³⁵ Бойледже, инсафлы адам Хабильниң къанындан башлап, Алланың Сарайы ве къурбан ери арасында сизлер ольдюрген Барахияның оғылу Зекарьяның къанынадже, ер юзүнде тёкюльген бутюн гунасыз адамларның къаны сизинъ бойнунъызда!

³⁶ Сизге дөгърусыны айтам: буларның эписи шу несиль-
нинъ бойнұна тюшеджек.

³⁷ Эй Ерусалим, Ерусалим! Пейгъам-
берлерни ольдюрген ве онъя ёлланылған
адамларны ташларнен ургъан шеэр! Тавукъ озы чипче-
лерини къанатлары астында насыл топласа, Мен де
къач кере сенинъ балаларынъны Озы яныма топламагъа
истедим, сизлер исе истемединъиз. ³⁸ Мына, сизинъ эви-
нъиз сизге къалдырылған ве бош турал! ³⁹ Сизге айтам:
«Раббининъ ады иле Келеяткъанны шуретленъиз!» —
демегендже, Мени корымейджеексиз.

23.37-39

Лука 13.34-35.



¹Иса Алланынъ Са-
райындан чыкъып ке-
теяткъанда, шегиртleri
Онынъ янына келип, Сарайнынъ бина-
ларына дикъкъатыны джельп эттилер.

24.1-2

Марк 13.1-2;
Лука 21.5-6.

²Иса оларгъа:

— Буларның эписини коресизми? Сизге дөгърусы-
ны айтам: бу ерде таш устюнде таш къалмайджакъ, эпи-
си бозуладжакъ, — деди.

³Иса бир Озю Зейтюн дагъында
отурған вакъытта, шегиртleri Онынъ
янына келип, сорадылар:

24.3-14

Марк 13.3-13;
Лука 21.7-19.

— Бизлерге айт: бу шейлер не вакъыт оладжакъ?
Сенинъ келишинъни ве ахыр заман якъынлашкъаныны
косытерген бельги насыл оладжакъ?

⁴Иса джевап берип оларгъа:

— Ич кимсе сизлерни алдатмасын деп, сакът олу-
нъыз! ⁵Чонки чокъ адамлар Меним адым иле келип:

«Мен Месихим», — деп, чокъ адамларны алдатаджакъ-
лар, — деди.⁶ — Сиз якъын дженк шаматасыны ве
узакъ дженк акъкъында хаберлерни эшитирсиз. Амма
къоркъманъыз: ойле олмакъ керек. Лякин бу даа сонъу
дегиль.⁷ Халкъ халкъкъа къаршы, падишалыкъ пади-
шалыкъкъа къаршы котериледжек. Тюрлю топракълар-
да ачлыкълар ве ер тепренювлери оладжакъ.⁸ Булар-
нынъ эписи исе — тек буюк азапларнынъ башланувы.
⁹ О вакъытта сизлерни къыйнайджакълар ве ольдюре-
джеклер. Мен ичюн, эписи халкъларнынъ адамлары сиз-
лерден нефретленеджек.¹⁰ О вакъытта чокъ адам има-
нындан вазгечеджек, бир-бирини сатаджакъ ве бир-би-
рини кореджек козълери олмайджакъ.¹¹ Чокътан-чокъ
ялан пейгъамберлер пейда олып, чокъ адамларны алда-
таджакъ.¹² Адалетсизлик чокълашкъаны себебинден чо-
къусынынъ севгиси пек азлашаджакъ.¹³ Лякин сонъуна-
дже сабыр эткен адам къуртарыладжакъ.¹⁴ Ондан эвель
исе бутюн дюньяда Алла Падишалыгъы акъкъында бу
Къуванчлы Хабер илин этиледжек. Бу хабер эписи
халкъларгъа шаатлыкъ оладжакъ. О вакъыт сонъу ке-
леджек.

¹⁵ Шунынънен, Даниял пейгъамбер
айткъан «арам эткен бир пис шей» му-
къаддес ерде тургъаныны коръсенъиз
(окъугъан адам озю анъласын!),¹⁶ Еудиеде олгъан
адамлар дагъларгъа къачсынлар.¹⁷ Дам устюнде тургъан
адам эвинден бир шей алмакъ ичюн ашагъа тюшмесин.
¹⁸ Тарлада олгъан адам исе усть урбасыны алмагъа къай-
тып бармасын.¹⁹ О куньлерде юклю ве бала эмиздирген
къадынларгъа беля оладжакъ!²⁰ Къачувынъыз къышта

24.15-28 Марк 13.14-23; Лука 21.20-24.

я да раатлықъ куню олмасын деп, дувалар окъунъыз.

²¹Чионки о вакъытта, дюньянынъ биринджи куньлерден башлап бу куньлерге къадар олмагъан ве даа бир кере олмайджакъ буюк белялар оладжакъ.

²²Эгер о куньлернинъ сайысы азлаштырылмагъан олса, ич бир джан къуртулып оламаз эди. Лякин сайлангъан адамлар ичон о куньлернинъ сайысы азлаштырыладжакъ. ²³Эгер о вакъыт кимдир сизге: «Бакъынъыз, Месих мында!» я да «О, анда!» — десе, инанманъыз.

²⁴Чионки ялан месихлер ве ялан пейгъамберлер пейда олып, имкяны олса, сайлангъанларны биле ёлдан урмакъ ичон, буюк адҗайип шейлер япаджакълар ве бельгилер косытереджеклер. ²⁵Мына, Мен буны сизлерге эвельден айтып бердим. ²⁶Шунынънен, эгер сизлерге: «Бакъса, О сахрада», — деселер, анда барманъыз. Я да: «Бакъса, О бу эв ичинде», — деселер, инанманъыз. ²⁷Чионки Инсан Огълунынъ къайтып келиши, шаркътан гъарпкъадже кокте яшнагъан йылдырым киби оладжакъ.

²⁸Олю беден къайда олса, леш къарталлары да шуерде топланаджакълар.

²⁹Бирден шу куньлернинъ буюк мусибетинден соң
«Күнеш къара оладжакъ,
ай да ярыкъ бермейджен.

24.29-31

Марк 13.24-27;
Лука 21.25-28.

Йылдызлар коктен тюшеджеклер

ве коклердеки кучълер сарсыладжакълар».

³⁰О вакъытта Инсан Огълунынъ бельгиси кокте пейда оладжакъ. Ер юзюндеки эписи миллетлер окюр-окюр агълайджакълар ве коктеки булутлар устюнде къудрет ве буюк шан-шурет иле келеяткъан Инсан

Огъуны кореджеклер. ³¹О, Озюнинъ мелеклерини ёл-лайджакъ. Олар, кучълю бору чалдырып, сайлагъян адамларыны кокнинъ бир четинден башкъя четинедже, дюньянынъ дёрт тарафындан топлап келеджеклер.

³² Инджир тереги сизге кинаели дерс олсун: онынъ пытағы къабарып, япракълары ачылгъанда, яз якъынлашкъа-ныны билесиз. ³³ Сиз де буларнынъ эписини корсенъиз, билинъиз: О энди якъын, босагъада турा.

³⁴ Сизлерге догърусыны айтам: шимдикى несиль ёкъ олмаздан эвель, буларнынъ эписи оладжакъ. ³⁵ Кок ве ер из къалдырмайып кечерлер, лякин Меним сёзлерим кечmez.

³⁶ Бу къайсы куню ве saat къачта оладжагъы акъкъында не Огъул, не коклердеки мелеклер бильмей-лер. Тек Баба биле. ³⁷ Нух куньлеринде насыл олгъан олса, Инсан Огълу келеджек куньлеринде де ойле оладжакъ. ³⁸ Сув ташкъыны кельмезден эвель олгъан куньлерде, Нух сандыкъкъа кирмегендже, адамлар ашап-ичтилер, эвленилер ве акъайгъа чыкътылар. ³⁹ Олар сув ташкъыны келип эр кесни ёкъ этмегендже, асыл да тюшюнмей эдилер. Инсан Огълу келеджек кунюнде де тамам ойле оладжакъ.

⁴⁰ О вакъытта эки адам тарлада оладжакъ, Алла би-рисини аладжакъ, экиндjisини исе къалдыраджакъ.

⁴¹ Дегирмен ташында ун чеккен эки къадындан бири алынаджакъ, экиндjisиси исе къалдырыладжакъ. ⁴² Бу-нынъ ичюн эр заман азыр олунъыз, чонки Раббинъиз не заман келеджегини бильмейсинъиз. ⁴³ Лякин шуны

24.32-35

Марк 13.28-31;
Лука 21.29-33.

24.36-44

Марк 13.32-37;
Лука 17.26-30, 34-36.

билинъиз: эв саиби, хырсыз гедженинъ къайсы саатинде келеджегини бильсе, о, юкъламайып, хырсызгъа эвина кирмеге ёл берmez эди.⁴⁴ Бойледже, сизлер де азыр олунъыз, чонки Инсан Огълу сиз беклемеген саатте къайтып келеджек.

⁴⁵ Ишанчлы ве акъыллы къул ким?
Эфендиси оны эв къуллары устюнде

24.45-51
Лука 12.41-48.

башлыкъ этип, оларгъа керек вакътында ашларыны бермеге къойды.⁴⁶ Эфендиси кельгенде, онынъ бойле япкъаныны корьсе, о къул не къадар баҳтлы!⁴⁷ Сизге додгърусыны айтам: эфенди оны озюнинъ бутюн малмульюне бакъыджы этип къояр.⁴⁸ Эгер де бу яман къул озы гонълюнде: «Эфендим якъын арада кельмейдже», — деп тюшонсе⁴⁹ ве башкъа къулларны урмагъа башласа, ичкиджилернен берабер ашап-ичсе,⁵⁰ о къулнынъ эфендиси бекленильмеген бир куньде, тюшонменген бир саатте къайтып келир⁵¹ ве оны къылышнен экиге болип, онъя экиюзълюернинъ арасында ер береджек. О ерде агълав ве тиш гъылджыртысы оладжакъ.



¹ О вакъытта Кок Падишалыгъы бунъя ошайджакъ: он къыз, лампат алып, киевни къаршыламагъа чыкъалар.² Олардан беши акъылсыз, беши исе акъыллы экен.³ Акъылсыз сойлары лампатларны алып, янына зейтюн ягъы алмагъянлар.⁴ Акъыллы сойлары исе лампатларнен бардачыкъларда ягъ да алгъянлар.⁵ Киев кеч къалгъаны себебинден, эписи къызлар юкъусырай-юкъусырай юкълап къалдылар.⁶ Яры геджеде бир сес янъгъырады: «Киев келе!

Оны къаршыламагъа чыкъынъыз!»⁷ Къызларның эписи турып, яхши янсын, деп лампатларыны дөгъурттылар.⁸ Акъылсызлар акъыллыларгъа: «Лампатларымыз сёне, бизлерге ягъларынъыздан беринъиз!» — дедилер.⁹ Акъыллылар джевап берип: «Ёкъ, бизлерге де, сизлерге де ягъымыз етмейдже. Сиз тюкянгъа барып, озылеринъизге ягъ сатын алынъыз», — дедилер.¹⁰ Олар ягъ алмагъа кеткенде, киев кельди. Азыр тургъан къызлар киевнен тойгъа кирдилер ве оларның артындан къапу япылды.¹¹ Соң къалгъан къызлар келип: «Эфендим, эфендим! Бизге ачып бер!» — дедилер.¹² Лякин о, оларгъа джевап берип: «Сизге дөгърусыны айтам: ким олгъанынъызын бильмейим», — деди.¹³ Бойлеликнен, эр вакъыт козь-къулакъ олунъыз, чонки сиз не кунюни, не саатини билесиз.

¹⁴ О вакъытта Кок Падишалыгъында олгъан шейлер бунъа ошайджакълар:
бир адам ёлгъа чыкъаджакъ олгъан, къулларыны чагъырып, озь мал-мулькюни оларгъа тапшыра.¹⁵ Биригине беш, башкъасына эки, учонджисине бир бинъ алтын^{*} бере — эр бирине къабилиетине коре. Озю исе кете.
¹⁶ Беш бинъ алгъан сою парасыны ишлете ве даа беш бинъ къазана.¹⁷ Онъа ошап, эки бинъ алгъаны да эки бинъ къоша.¹⁸ Бир бинъ алтын алгъан адам исе барып, чукъур къаза ве эфендисинин парасыны сакълай.¹⁹ Чокъ вакъыт кечкен соң къулларның эфендиси къайтып

25.14-30
Лука 19.11-27.

* **25.15** 5000, 2000, 1000 алтын — къадимий юнанджа «беш, эки, бир талантон». Бир талантон — къаарарнен 35 кило алтын я да кумош.

келе ве олардан джевап сорай.²⁰ Беш бинъ алгъаны башкъа беш бинъни де кетирип: «Эфендим! Манъя беш бинъ берген эдинъ. Мына, мен оларгъа къошып даа беш бинъ арттырдым», — деди.²¹ Эфенди онъя: «Аферин! Сен яхшы ве садыкъ къул экенсингъ! Сен кучюк бир иште ишанчлы олгъанынъ ичюн, энди санъя буюк ишлер де бериirim. Кель ве меним къуванчымны меннен боль!» — деди.²² Эки бинъ алгъан адам да келип: «Эфендим! Манъя эки бинъ берген эдинъ. Мына, мен оларгъа къошып даа эки бинъ арттырдым», — деди.²³ Эфенди онъя: «Аферин! Сен яхшы ве садыкъ къул экенсингъ! Сен кучюк бир иште ишанчлы олгъанынъ ичюн, энди санъя буюк ишлер де бериirim. Кель ве меним къуванчымны меннен боль», — деди.²⁴ Бир бинъ алгъаны да келип: «Эфендим! Мен сени къатты адам экенинъни билем. Сен сачмагъан ерден орасынъ, сепмеген ерден джыясынъ.²⁵ Шунынъ ичюн, мен сенден къоркъянымдан, барып, бинъ алтынны топракъка комип, сакъладым. Мына, озъ паранъны ал», — деди.²⁶ Эфенди онъя джевап берип: «Эй, яман ве дембель къул! Мен сачмагъан ерден оргъанымны, сепмеген ерден джыйгъанымны биле экенсингъ!²⁷ Ойле олса, парамны фаизджилерге борджъа берген олсанъ, мен келип, оны фаизнен алыр эдим.²⁸ Энди, ондан бир бинъни алыш, он бинъи олгъан адамгъа беринъиз!²⁹ Чюнки кимде бар олса, онъя даа берилиджек ве онда арткъач олур. Кимде ёкъ олса, ондан олгъаны да тартып алынаджакъ.³⁰ Энди бу файдасыз хызметчини тышарыгъа, къаралыкъка котерип атынъыз. О ерде агълав ве тиш гъыджыртысы оладжакъ», — деди.

³¹Инсан Огълу Озюнинъ шурети ичинде ве эписи мелеклеринен берабер кельгенде, Озюнинъ шуретли падиша тахтына отураджакъ. ³²Эписи халкълар Онынъ оғюне топланаджакълар. Чобан къойларны әчкилерден айыргъаны киби, О оларны эки къысымгъа боледжек. ³³Къойларны Озюнинъ онъ тарафына, әчкилерини исе сол тарафына турсатаджакъ. ³⁴О вакъытта Падиша онъ тарафындакилерине:

— Эй, Меним Бабамдан хайыр алғынлар, келинъиз! Дюнья яратылғынанындан берли сизлер ичюн мирас олып азырланғын Падишалықъынъ саibi олунъыз. ³⁵Чюнки Мен ач әдим, Манъя аш бердинъиз. Сувсагъан әдим, Манъя сув ичирдинъиз. Чет адам әдим, Мени әвлери-нъизде къабул эттинъиз. ³⁶Чыплакъ әдим, Мени кийин-диридинъиз. Хаста әдим, Мени бакътынъыз. Зинданда әдим, Мени келип корьдинъиз, — дейджеңек.

³⁷Инсафлы адамлар Онъя джевап берип:

— Я Рабби! Не вакъыт Сени ач олгъанынъы корип, ашаттыкъ? Я да сувсагъанынъы корип, сув ичирдик?

³⁸Не вакъыт Сени чет олгъанынъы корип, әвлерилизде къабул эттик? Я да чыплакъ олгъанынъы корип кийин-диридик? ³⁹Не вакъыт Сени хаста олгъанынъы корьдик, я да зинданда олгъанынъда санъа кельдик? — дейджеңеклер. ⁴⁰Падиша оларгъа джевап берип:

— Сизге дөгърусыны айтам: сизлер Меним шу күчюк къардашларымдан бирисине япкъанынъыз, бу Манъя япкъанынъыздыр, — дейджеңек.

⁴¹Сонъ О сол тарафындакилерге:

— Эй лянетлилер! Ёкъ олунъ козюмден, Иблис ве онынъ мелеклерине азырланылғын эбедий атешке

тюшонъиз! ⁴²Чюнки Мен ач эдим, аш бермединъиз. Сувсагъан эдим, сув ичирмединъиз. ⁴³Чет адам эдим, Мени эвлеринъизде къабул этмединъиз. Чыплакъ эдим, Мени кийиндиремединъиз. Хаста эдим, зиндангъа тюштим, Мени бакъмадынъиз, — дейджең. ⁴⁴Онъя джевап берип, олар да:

— Я Рабби! Сени не вакъыт ач, сувсагъан, чет, чыплакъ, хаста я да зинданда олгъанынъны корип, Санъя ярдым этмедиң? — деп сорайджакълар. ⁴⁵О джевап берип, олар гъа:

— Сизге дөгърусыны айтам: сизлер шу күчюклер-ниң бирисине япмагъанынъыз, бу Манъя япмагъанынъыздыр, — дейджең.

⁴⁶Шунынъ ичон, олар эбедиј джезагъа, инсафлы адамлар исе эбедиј аяткъа бараджакълар.



¹Иса лафыны битир-
ген соңь, шегиртлерине:
² — Эки куньден
соңь Песах Байрамы

26.1-5
Марк 14.1-2;
Лука 22.1-2;
Юхан 11.45-53.

оладжагъыны билесиз. Инсан Огълу сатыладжакъ ве хачкъа мыхланаджакъ, — деди.

³О вакъыт баш руханийлер ве халкъларның акъса-
къаллары Каяфа деген баш руханийнинъ азбарында топ-
лашып, ⁴Исаны гизлиден тутып ольдюрмекни озъара
анълаштылар. ⁵Амма олар: «Тек бу иш байрам куньле-
ринде олмасын, даа халкъ исъян котермесин», — дедилер.

⁶Иса Бетания шеэринде, лепра хаста-
лыгъынен чекишкен Симонның эвинде
олгъанда, ⁷бир къадын Онынъ алдына

26.6-13
Марк 14.3-9;
Юхан 12.1-8.

кельди. О, алебастран ясалгъан савутта пек паалы къо-
къулы ягъ кетирип, Онинъ башына тёкти. Иса о вакъыт
софра башында отура эди.⁸ Шегиртлери буны корип,
ачувландылар ве:

— Бу масрафларның неге кереги бар?⁹ Бу ягъны
буюк парагъа сатып, акъчасыны фукъарелерге бермеге
мумкүн эди! — дедилер.

¹⁰ Иса буны эшитип, оларгъа:

— Не ичюн къадынны раатсыз этесиз? О Мен ичюн
яхши иш япты.¹¹ Фукъарелер эр вакъыт сизлернен,
лякин Мен эр вакъыт сизлернен берабер олмайджам.

¹² Къадын бу ягъны тениме тёкип, Мени дефи этмеге
азырлады.¹³ Сизге дөгърусыны айтам: Къуванчлы Ха-
берни дюньяның къайсы еринде илин этселер, бу къа-
дынның япкъан ишини де икяе этип, оны хатырлата-
джакълар, — деди.

¹⁴ Соңь он экиден бириси Иуда Ис-
кариот деген адам баш руханийлернинъ
алдына барып:

¹⁵ — Исаны къолунтызгъа тутып берсем, манъя не бе-
рирсиз? — деп сорады. Олар Иудагъа отуз күмюш сайып
бердилер.¹⁶ Шу вакъыттан башлап Иуда Исағъа хиянет-
лик этмек ичюн келишкен вакъыт къыдыра башлады.

¹⁷ Маясыз Пишкен Пите Байра-
мының биринджи кунюнде шегирт-
лер Исаның алдына келип:

— Санъа Песах ашыны къайда
азырлайыкъ?¹⁸ — деп сорадылар.

¹⁸ — Шеэрge кирип, анавы бир адамгъа барынъыз ве
онъа шойле айтынъыз: «Оджа: “Меним вакъыт-саатим

26.14-16

Марк 14.10-11;
Лука 22.3-6.

26.17-25

Марк 14.12-21;
Лука 22.7-14, 21-23;
Юхан 13.21-30.

якъынлашты, — дей. — Песах Байрамыны шегиртлерим-нен берабер сенинъ эвинъде япаджам”», — деди Иса.

¹⁹ Шегиртлери, Иса оларгъа буюргъаны киби, Песах ашыны азырладылар.

²⁰ Акъшам тюшкенде, Иса он эки шегиртинен софра башына отурды. ²¹ Аш ашагъанда, Иса:

— Сизге дөгърусыны айтам: сизден биринъиз Мени сатаджакъ, — деди.

²² Шегиртлер пек кедерленип, бир-бири артындан Ондан:

— Рабби, о мен дегильдиirim я? — деп сорай башладылар.

²³ О исе, джевап къайтарып:

— Меннен чанакъкъа къолундаки питесини батыр-гъан адам Мени сатаджакъ. ²⁴ Язылгъаны киби, Инсан Огълу кетеята. Лякин Инсан Огълуны саткъан адамгъа буюк беля оладжакъ! О адам дөгъмагъан олса, озю ичюн яхшыджа олур эди, — деди.

²⁵ О вакъытта Исағъа хиянетлик япаджакъ Иуда сорады:

— Равви, о мен дегильдиirim я?

— Буны сен айтасынъ, — деди Иса.

²⁶ Олар ашап отургъанда, Иса оть-мекни алды, шукюр этип парчалады ве шегиртлерине берип:

— Алынъыз, ашанъыз. Бу — Меним тенимдир, — деди.

²⁷ Къадени де алыш, шукюр этти ве оларгъа узатып:

— Бундан эпинъиз ичинъиз, — деди. ²⁸ — Чонки

бу — Васиет къаны. Бу Меним къаным чокъ адамнынъ

26.26-30

Марк 14.22-26;
Лука 22.15-20.

гуналары багъышланмасы ичюн тёкюледжек.²⁹ Мен сизге шуны айтам: Бабамынъ Падишалыгъында Мен сизлернен янъы ичимлик ичеджек куньгедже, Мен юзюм мейвасынынъ ичимлигини ичмейджен.

³⁰ Сонъ олар йырлап, Зейтюн дагъы тарафына кеттилер. ³¹ Шу арада Иса шигиртлерине:

— Бу гедже эпинъиз Меним ичюн ёлдан уруладжакъсыз. Чюнки Языда шойле язылгъан:

«Чобанны урып йыкъсам —
сюрюдеки къойлар да дагъытыладжакъ».

³² Амма Мен олип тирильген сонъ, сизлер Галилеягъа бармаздан эвель анда баарым, — деди.

³³ Пётр джевап берип Онъя:

— Эгер эписи Сенинъ ичюн ёлдан урулсалар биле, мен ич бир вакъыт ёлдан урулмайджам! — деди.

³⁴ Иса онъя:

— Санъа догърусыны айтам: шу геджеси, хораз къычырмаздан эвель, сен Менден учъ кере вазгечеджесинъ, — деди. ³⁵ Пётр Онъя:

— Манъа Сеннен берабер ольмеге керек олса биле, Сенден вазгечмейджен! — деди. Башкъа шигиртleri де шойле дедилер.

³⁶ О вакъытта Иса оларнен Гетсимани деген бир ерге бара. О шигиртлерине:

— Мында отурынъыз. Мен барып, дува окъуйым, — дей.

³⁷ О, Озюнен Пётрны ве Зебедайнынъ эки огълуны алды. Исаны дерпт ве гъам къаплап алдылар. ³⁸ О, янында олгъан адамларгъа:

26.31-35

Марк 14.27-31;
Лука 22.31-34;
Юхан 13.36-38.

26.36-46

Марк 14.32-42;
Лука 22.39-46.

— Джаным сыкъылып, олю гъамынен тола. Мында къалынъыз ве Меннен берабер козь-къулакъ олунъыз, — деди.

³⁹ Бираз узакълашып, О, ерге йыкъылды ве дува окъуп башлады:

— Бабам! Эгер мумкүн олса, бу азап къадесинден Мени къурттар! Амма Меним истегеним дегиль, Сенинъ истегенинъ олсун, — деди.

⁴⁰ Иса, шегиртлерининъ янына къайтып, оларнынъ юкълагъяныны коръди ве Пётргъя:

— Демек, сизлер Меннен берабер бир saat биле козь-къулакъ оламадынъыз? — деди. ⁴¹ Сынавдан кечmek ичюон, козь-къулакъ олып, дува окъунъыз. Рух джесюр, беден исе такъатсыз!

⁴² Иса экиндже кере барып:

— Бабам! Эгер бу азаплардан Мени къуртартмагъя чаре олмаса ве Манъя оны ичмек керек олса, Сенинъ истегенинъ эда олсун, — деп дува окъуды.

⁴³ Къайтып кельгенде исе, шегиртлерини кене юкълагъан алда тапты: оларнынъ козълерини юкъу баскъан.

⁴⁴ Иса оларны къалдырып, кене узакълашты ве шу сёзлерни текрарлап, учюндже сефер дува окъуды. ⁴⁵ Шундан соң Озы шегиртлерининъ янына келип, оларгъя:

— Сиз эп юкълайсынъызмы, раатланасынъызмы? Вакъты-саати кельди: мына, Иисан Огълуны гуналы адамларнынъ къолуна берелер. ⁴⁶ Турунъыз, кетейик! Бакъынъыз, Манъя хиянетлик япкъан адам якъынлашты, — деди.

⁴⁷ Шу ань, О даа бу сёзлерни айткъанынен, он экиден бири Иуда пейда олды. Иуданен

26.47-56

Марк 14.43-50;

Лука 22.47-53; Юхан 18.3-12.

берабер къылыш ве таякъларнен силялангъан чокъ адам кельди. Оларны баш руханийлер ве халкънынъ ақъсакъаллары ёллагъан.

⁴⁸Хайн Иуда: «Мен кимни опьсем, сизге керек Адам будыр. Оны якъаланъыз», — деп, оларгъа эвельден насыл бельги береджегини айткъан эди.

⁴⁹Сонъра о, Исанынъ къаршысына кельди ве:
— Мераба, Равви! — деп, Оны опьти. ⁵⁰Иса исе ондан:

— Достум, сен не ичюн мындасынъ? — деп сорады. О вакъыт адамлар якъынлашып, Исаны якъала-
дылар.

⁵¹Шу арада Исанынъ бир шегирти къылышыны чекип, баш руханийнинъ къуулуны урып, онынъ къулагъыны кести. ⁵²Лякин Иса онъя:

— Къылышынъны къынына къой! Эр бир къылыш котерген адам къылыштан гъайып оладжакъ. ⁵³Я да сен, Мен Бабама риджа этип оламам беллейсинъми? О Манъя шу ань он эки мелек ордусындан чокъ йиберир эди.

⁵⁴Амма бойле олса, Языларда язылгъаны насыл эда этиледжек? Булар эписи олмакъ керек, — деди.

⁵⁵Ондан сонъ Иса чокъ адамларгъа:
— Мени якъаламакъ ичюн айдут тутаджакъ киби къылыш ве таякъларнен силяланып кельдинъиз. Мен эр кунь Алланынъ Сарайында олып, окъута эдим, сизлер исе Мени якъаламадынъыз, — деди. ⁵⁶— Лякин буларнынъ эписи, Пейгъамберлернинъ Язылары беджериильмеси ичюн, олды.

О вакъытта эписи шегиртлери Исаны къалдырып, къачып кеттилер.

⁵⁷ Исаны якъялагъанлар Оны баш руханий Каяфанынъ алдына кетирдилер. О ерде Къанун оджалары ве акъсакъаллар топландылар.

26.57-68

Марк 14.53-65;
Лука 22.54-55, 63-71;
Юхан 18.13-14, 19.24.

⁵⁸ Пётр исе Исанынъ пешинден узакътан барып, баш руханийнинъ азбарынадже кельди. Ичериге кирип, бу вакъианынъ сонъуны корымек ичюн хызметчиленен отурды.

⁵⁹ Баш руханийлер ве бутюн Юксек Шура, Исагъа олом джезасыны бермек ичюн, Онъя къаршы ялан шаталыкъ къыдырсалар да, тапып оламадылар. ⁶⁰ Чокъ адам ялан шаатлыкъ этсeler де, тапып оламадылар. Со-нъунда эки шаат сёзге чыкъып:

— Мына бу адам: «Мен Алланынъ Сарайыны йыкъып, учъ куньде кене къурып олурым», — деди, — дедилер.

⁶² Биринджи баш руханий еринден турып, Исагъа:
— Сен не ичюн джевап къайтармайсынъ? Оларнынъ Санъя къаршы шаатларына не айтаджанъ? — деди.

⁶³ Иса индемеди. Баш руханий Онъя:
— Тири Алланынъ огюнде Сени емин эттирем, бизлөргө айт, Месих, Алланынъ Огълу — Сенсинъми? — деди.

⁶⁴ Иса онъя:
— Озюнъ айттынъ. Сизге даа айтам: бундан сонъ «*Сиз Инсан Огълу, Къудретли Алланынъ онъ тарафында отургъаныны ве коктеки булутлар устюнде кельгенини кореджексиз*», — деди.

⁶⁵ О вакъытта баш руханий озъ устюнде урбаларыны йыртып:

— Куфюр! Бизлерге башкъя шаатларның неге кереги бар? Мына энди О, Аллагъя куфюр әткенини озверинъиз эшиттинъиз.⁶⁶ Сизлер не къарагъа кельдиди-нъиз? — деди. Олар джевап берип:

— Къабаатлы ве олюмге ляйыкъ! — дедилер.

⁶⁷ Сонъ олар Исаның юзүне тюкюрип, Оны урдылар ве котеклеп:

⁶⁸ — Эй Месих! Пейгъамберлигинъни косътер, Сени ким ургъаныны бизге айт! — дедилер.

⁶⁹ Пётр исе тышта, азбарда отура эди. Бир хызметчи къызы оның янына келип:

26.69-75

Марк 14.66-72; Лука 22.56-62;
Юхан 18.15-18, 25-27.

— Сен де галилеялы Исанен берабер эдинъ де! — деди.

⁷⁰ Лякин Пётр эписининъ алдында инкяр этип:

— Сен айткъан шейни мен бильмейим, — деди.

⁷¹ Сонъ къапу тарафкъа кечкенде, башкъя бир хызметчи къызы да оны корип, этрафтакилерине:

— Бу да назаретли Исанен эди! — деди.

⁷² Пётр исе ант этип кене инкяр этти:

— Мен бу адамны танымайым! — деди.

⁷³ Бирараздан сонъ шу ерде тургъанлар келип, Пётргъя:

— Керчектен де, олардан бириси оласынъ, лафынъдан белли, — дедилер. ⁷⁴ Сонъ Пётр, ант этип, сёз берди:

— Алла бойнумны урсун! Мен бу Адамны танымайым! — деди.

Шу ань хораз къычырды.

⁷⁵ О дакъкъада Исаның онъя: «Хораз къычырмаздан эвель, сен учь кере Менден вазгечеджесинъ», — деген сёзлери Пётрның эсине тюшти. Тышкъя чыкъып, о окюр-окюр агълады.



¹Саба эрте баш руханийлер ве халкънынъ акъсакъаллары, Исаны ольдюрмек къарапыны

27.1-2

Марк 15.1;
Лука 23.1-2;
Юхан 18.28-32.

чыкъармакъ ичон, бирлешип топландылар. ²Оны багъладылар ве аким Пилатнынъ* огуне алып бардылар.

³Исаны саткъян Иуда исе, Онынъ олюмге укюм этильгенини билип, пешман этти ве отуз кумюшни баш руханийлер ве акъсакъалларгъа къайтарып:

27.3-10

Фаалиет 1.18-19.

⁴ — Мен гуна яптым, къабаатсыз адамны саттым, — деди. Олар исе:

— Бундан бизлерге не? О сенинъ ишинъ! — дедилер.

⁵Иуда исе, акъчаларны Сарайда котерип атты, ве оерден кетип, озюни асты.

⁶Баш руханийлер акъчаны алып: «Бу парада къан бар, оны хазинеге къоймагъя Къанун рухсет этмей», — дедилер.

⁷Озьара анълашып, бу акъчагъя чет адамлар комюледжек мезарлыкъ ичон чёльмекчининъ тарласыны сатын алдылар. ⁸Шунынъ ичон о тарла бу куньлерге къадар «Къан Тарласы» деп адлана. ⁹Шунынънен Йиромея пейгъамбернинъ агъзындан айтылгъаны беджериильди:

«Исраиль оғұуллары Онъа фият къойғъан
отуз кумюшни алды.

¹⁰ Алла манъа буюргъан киби,
чёльмекчининъ тарласыны сатын алдылар».

* **27.2 Пилат** — Понтий Пилат, Еудие ве Самарие виляетлерининъ римли акими.

¹¹Иса исе акимнинъ оғынде турды.

Аким Ондан:

— Сен еудийлернинъ Падишасы ола-
сынъмы? — деп сорады.

— Сен озюнъ Манъя «Падиша» дейсинъ, — деди
онъя Иса.

¹²Баш руханийлер ве акъсакъаллар Оны къабаатла-
гъанда, О ич бир шей айтмады. ¹³Пилат Онъя:

— Эшитмейсинъми, Санъя къаршы не къадар шаат-
лыкъ япалар! — деди.

¹⁴Лякин Иса бу лафларгъа бир сёз биле джевап
къайтамады. Аким пек шашты.

¹⁵Эр Песах Байрамында акимнинъ
халкъ истеген бир мабюсны азат эт-
кен адети бар эди. ¹⁶Бу сефер зиндан-
да намлы бир айдут бар эди, онынъ
ады Иса Барабба эди. ¹⁷Халкъ топлангъанда, Пилат
олардан:

— Сизлер кимни азат эткенимни истейсиз? Иса Ба-
раббаны, я да Месих деп адлангъан Исанымы? — деп
сорады.

¹⁸О, олар Исаны пахыллап теслим эткенлерини анъ-
лай эди. ¹⁹Пилат, къады курсюсине отургъанда, апайын-
дан хабер кельди: «О инсафлы адамгъа ич бир шей япма,
чюнки бугунь мен тюшомде О ичон пек азап чектим».

²⁰Амма баш руханийлер ве акъсакъаллар халкъны
къандырдылар, Бараббаны азат этмесини ве Исаны
ольдюрильмесини талап эттилер. ²¹Аким олардан:

— Сизлер экисинден къайсы бирини азат эткенимни
истейсиз? — деп сорады.

27.11-14

Марк 15.2-5;
Лука 23.3-5;
Юхан 18.33-38.

27.15-26

Марк 15.6-15;
Лука 23.13-25;
Юхан 18.39—19.16.

— Бараббаны! — деп джевап бердилер.

²² Пилат оларгъя:

— Я Месих деп адлангъан Исанен не япайым? — деди.

— Хачкъа мыхлансын! — деди олар.

²³ — О не яманлықъ япты? — деп сорады аким. Ля-
кин олар даа зияде багъырып:

— Хачкъа мыхлансын! — дедилер.

²⁴ Пилат ич бир шей ярдым этмегенини, аксине исъян
котерилиджеини корип:

— Мен бу адамның къаны тёкюледжеинде къаба-
атлы дегилим. Бу ишни озълеринъиз бакъынъыз! —
деди де, халкъының козю огүндө сув кетиртип, элле-
рини ювды.

²⁵ Бутюн халкъ бунъя джевап берип:

— Оның къаны бизим ве балаларымыздың башын-
да олсун! — деди.

²⁶ Бундан соңь Пилат Бараббаны чыкъарып йибер-
ди, Исаны исе къамчылап хачкъа мыхламагъа эмир
берди.

²⁷ Соңь акимнинъ аскерлери Исаны
преториягъа* алыш бардылар. Оның
этрафында бутюн арбий болюкни** топ-
ладылар. ²⁸ Оның урбаларыны чыкъарып, устюне къыр-
мызы тулю ууба*** кийидирдилер. ²⁹ Тикенлерден тадж

27.27-31

Марк 15.16-20;
Юхан 19.2-3.

* **27.27** Претория — укюмдар Пилатынъ яшагъан ве римли аскер-
лер яткъан ер.

** **27.27** Арбий болюк — къадимий юнанджа «спейра» — «леги-
он»ның он пайындан бир пайы, 600 аскер.

*** **27.28** Бунъя ошагъан урбаны тек падишалар кие эдилер.

орип, башына такътылар. Онъ къолуна таякъ берип, Онынъ алдында тиз чёктилер ве:

— Яшасын еудийлерниң Падишасы! — деп масхара эттилер.³⁰ Соң Онынъ устюне тюкюрип, таякъ алып башына урдылар.³¹ Масхаралап тойгъан соң, устюндөн урбаны чыкъарып, Озюнинъ урбаларыны кийдирдилер ве хачкъа мыхламакъ ичюн алып кеттилер.

³² Олар чыкъып кетеяткъанларда, ки-
ренели Симон деген бир адамны растке-
тиридер. Оны Исанынъ хачыны коте-
рип бармагъа меджбур эттилер.³³ «Къа-
фа Ери» манасыны анълаткъан, Голгофа деген ерге
кельдилер.³⁴ Анда Исаға ичмек ичюн оты къарышты-
рылгъан шарап^{*} бердилер. Иса оны къапып бақъты, ам-
ма ичмеге истемеди.

³⁵ Соң Оны хачкъа мыхлап къойдымалар. Урбалары
ичюн джереп чекип, озъара пайлаштылар³⁶ ве отурып,
Оны къаравулладылар.³⁷ Онынъ башы тёпесинде: «Бу —
еудийлерниң Падишасы Иса», — деп, къабаатыны кось-
терген языны къойдымалар.

³⁸ Исанен даа эки айдутны — бирисини Онынъ онъ
тарафында, экиндјисини исе сол тарафында хачкъа
мыхлап къойдымалар.³⁹ Кечип кетеяткъанлар башларыны
саллап, Исаға куфюр сёзлер айта эдилер:

⁴⁰ — Эй, Сен, Алланынъ Сарайыны йыкъкъан ве учь
кунь ичинде къургъан адам! Озюнъни Озюнъ къурттар-
са! Эгер Сен Алланынъ Огълу олсанъ, хачтан тюшсе!

27.32-44
Марк 15.21-32;
Лука 23.26-43;
Юхан 19.17-27.

* **27.34 Шарап** — ағърыгъа чыдамагъа енгильдже олсун деп, юзюм
шарабына аджджы бир илядж къоشا эдилер.

⁴¹ Баш руханийлер, Къанун оджалары ве акъсакъаллар да Оны мыскъыллай эдилер:

⁴² — Башкъаларны къуртара эди, Озюни исе къуртарып оламай! О — Израильнинъ Падишасы! Хачтан тюшсюн, о вакъытта биз Онъа инанырмыз! ⁴³ О, Аллагъа ишанды. Эгер Алла Оны истесе, Оны къуртарсын! О: «Мен Алланынъ Огълу олам», — деген!

⁴⁴ Исанен берабер хачкъа мыхлангъан айдутлар да Оны шойле сёге эдилер.

⁴⁵ Уйледен башлап saat учьке къадар бутюн дюнъяны къаранлыкъ басты. ⁴⁶ Саат учьлерде Иса къатты сеснен къычырып:

— Эли, Эли, лема саваҳтани? — деди. Бу сёзлернинъ терджимеси: «Аллам, Аллам! Сен не ичюн Мени къалдырып қеттинъ?» — демектир.

27.45-56
Марк 15.33-41;
Лука 23.44-49;
Юхан 19.28-30.

⁴⁷ О ерде турғанлардан базылары буны эшитип:
— О, Ильясны чагъыра, — дедилер.

⁴⁸ Олардан бириси тез-тез чапып барып, сарувлы сүнгерни экши шарапкъа батырып, таякъ уджуна илиштириди де, Исагъа узатты. ⁴⁹ Башкъалары исе:

— Токъта бакъайыкъ, Ильяс келип Оны къуртара-джакъмы? — дедилер.

⁵⁰ Иса исе даа бир кере къатты сеснен къычырып, соңки нефесини чыкъарды.

⁵¹ Шу ань Алла Сарайындаки перде тёпеден ашагъадже йыртылып, экиге болонди. Ер титреди, къаялар ярылды. ⁵² Къабирлер ачылды ве чокъ раметли азизлер тирильди. ⁵³ Олар къабирлеринден чыкъып, Иса тирильген соңъ мукъаддес шеэрge кирдилер ве чокъ адамларгъа корюндилер.

⁵⁴ Исаны къаравуллагъан юзбашы ве онынъ аскерлери, ер титрегенини ве башкъа вакъиаларны корип, пек къоркътылар ве:

— Акъикъатен О — Алланынъ Огълу экен! — дедилер.

⁵⁵ Анда чокъ къадынлар да узакътан бакъып тура эдилер. Олар, Галилеядан башлап Исанынъ пешинден кетип, Онъа хызмет эткен эдилер. ⁵⁶ Оларнынъ арасында магдалалы Мерьем, Якъупнен Юсуфнынъ анасы Мерьем эм де Зебедай огъулларынынъ анасы бар эди.

⁵⁷ Акъшам Аrimateя шеэрinden олгъян Юсуф адлы бир зенгин адам кельди. О да Исанынъ шегирти эди. ⁵⁸ Пилатнынъ огюне барып, Исанынъ беденини сорады. Пилат беденни онъа берильмесини буюрды.

27.57-61

Марк 15.42-47;
Лука 23.50-56;
Юхан 19.38-42.

⁵⁹ Юсуф джесетни алып, темиз кетен безге сарды ⁶⁰ ве озюнинъ къаяда оюлгъан янъы къабринде дефн этти. Къабирнинъ агъзыны балабан бир ташнен къапатып, кетти. ⁶¹ Магдалалы Мерьемнен башкъа Мерьем исекъабирнинъ къаршысында отура эдилер.

⁶² Эртеси куню — раатлыкъ куню — баш руханийлер ве фериселер Пилаткъа кельдилер ве:

⁶³ — Эфендимиз, биз О яланджы даа сагъ олгъанда: «Мен учь куньден олюлер арасындан турагым», — дегенини хатырладыкъ. ⁶⁴ Шунынъ ичюн сен учонджи куню кечмегендже Онынъ мезарыны къорумагъа эмир эт. Ёкъсам Онынъ шегиртлери келип джеседини хырсызлар да, сонъра халкъкъя: «О олюлер арасындан тирилип турды», — дерлер. Эм бу ялан биринджисинден де бетер олур, — дедилер.

⁶⁵ Пилат оларгъя:

— Сизде сакъчылар бар. Барып, бильгенинъиз киби къабирни къаравулланъыз, — деди.

⁶⁶ Олар барып, къабир ташына муурь бастылар ве къабирни къорумагъа къаравулларны къойдылар.



¹Раатлыкъ куню кеч-
кен сонъ, афтанынъ би-
ринджи кунюндеги*, саба-
танъда магдалалы Мे-

28.1-10
Марк 16.1-8;
Лука 24.1-12;
Юхан 20.1-10.

рьемнен башкъа Мерьем къабирни бакъ-
магъа бардылар. ²Бирден кучълю зельзеле олды. Бу Ал-
ланынъ мелеги коктен энди ве къабирнинъ янына барып,
ташны четке авдарды ве устюне отурды. ³Онынъ корюни-
ши яшынгъа ошай, урбалары исе къар киби bem-beяз эди.
⁴Къобаны къаравуллагъан аскерлер къоркъудан къалтыра-
дылар ве ольген киби олдылар. ⁵Мелек исе къадынларгъа:

— Къоркъманъыз! Хачкъа мыхлангъан Исаны къы-
дыргъанынъызын билем. ⁶О бу ерде ёкъ. Сизлерге айт-
къаны киби, О тирильди. Келинъиз, Раббинъиз яткъан
ерини бакъынъыз. ⁷Энди тез барынъыз да, Онынъ ше-
гиrtlерине: «Иса тирильди! О сизлерден эвель Гали-
леягъа бара. Сиз Оны анда корерсиз», — денъиз. Энди
Мен сизлерге эписини айттым, — деди.

⁸Къадынлар тез-тез къабирден чыкъып, буюк къу-
ванч ве къоркъу иле Онынъ шегиrtlерине хабер этмеге
чаптылар. ⁹Апансыздан Исанынъ Озю оларнынъ къар-
шысына чыкъып:

* **28.1** Афтанынъ биринджи куню — раатлыкъ кунюндеги сонъ
кељген кунъ, шимдикى базар куню.

— Мерабанъыз! — деди. Къадынлар Онынъ янына чапып бардылар ве аякъларыны къучакълап, теменна эттилер.¹⁰ Иса оларгъа:

— Къоркъманъыз! Барып, къардашларыма айтынъыз, Галилеягъа барсынлар. Анда олар Мени корерлер, — деди.

¹¹Къадынлар ёлда олгъанда, къабирни къоругъан бир къач къаравул барып, баш руханийлерге олгъан шей акъкъында хабер эттилер.¹² Олар акъсакъалларнен топланып, акъыл таныштылар ве аскерлерге чокъ пара берип:

¹³ — Биз гедже юкълагъан маальде Онынъ шегиртleri келип, джеседини хырсызлап кеттилер, — деньиз, — деп оларны огrettiller.¹⁴ — Эгер де бу иш акимнинъ къулагъына етсе, бизлер оны ишандырымыз ве сизлерни белядан къуртарымыз.

¹⁵ Аскерлер акъчаны алыш, баш руханийлер оларны огrettеки киби яптылар. Бу хабер еудийлер арасында кенъ даркъалып, бугуньки куньлергедже яшап кельмекте.

¹⁶ Он бир шегирт исе Галилеягъа, Иса оларгъа буюргъан дагъыгъа кеттилер.

¹⁷ Олар Исаны корип, Онъя табындылар. Базылары исе шубелендилер.¹⁸ Иса оларгъа якъынлашып, лафыны башлады:

28.16-20

Марк 16.14-18;
Лука 24.36-49;
Юхан 20.19-23;
Фаалиет 1.6-8.

— Манъя кокте де, ерде де бутюн акимиет берильди.¹⁹⁻²⁰ Шунынъ ичюн барынъыз! Эписи халкълардан адамларны Меним шегиртлерим яптынъыз! Оларны Коклердеки Баба, Огъул ве Мукъаддес Рух адынен сувгъа батырып чыкъарынъыз ве Мен сизлерге буюргъан эр шейни тутмагъа оларгъа огretинъиз! Мен исе эр вакъыт, дюньянынъ сонъунадже сизлернен!